

Eden Loka Satan
Jeffersonville, Indiana U.S.A.
65-0829

1 Kaluroto. Edeke lominat, kiyalama isio mamaKon lolo kanuka arereng na naepol, abunore bobo Kokiror loka Ejakait Yesu, airiamakin ka lokasurupikosi, lokasurupiKon, kokinga kane kalaro naka ejie, nepepe kAkirot, kanu arukoria nges awai kama kokiding naka itungaKon, ebe tetere kes eanyunete, lolo, wu Ejakait, Aica naka Akiro Nukajokak. Elipi eong ebe kinyonyoik Jo akosikonye kede ekia lokinyonyoa akonyen, kongaar ngin mama ejai Abeit, tetere isio kinyouni kane, keneranakinis kotoma otauonokosi, "Mam kereka amulaete itauonowok kwape enerar Ngesi mamawok korot?" Kitangaleu luedekasi ka luiticanitai. Kisinyikoik lumam isinyikoikina. Kikeu kuju akanin ngun nusek ejesuna kwap. Kasesenoto isio Abunore naka Ejakait Yesu, na da kiyuunit isio ebe aapu. Kilipit sio nu Kokiror loka Yesu.

Kiboikinos.

2 Abuni eong aitam ayangaar apak naedit lolo, naarai ajeni eong eponitos luipu kotoma atutubeta nuegelegela kakwap kana, kanu...kanuka aijaanakin kana, arai apotu kosalakis apero, ice kayesi, ido ibusakinit abongor, kanuka acepak irotin lubongoret. Kesiyalamikinit eong yes. Atupuruc na abu eong kakote aiirar Onac Neville, eong elopet. Ido eiranaritor eong nges irwan ipu, kwabo mam cut eong eiraritor nges kadiopak namam abu kesiyalamikinia nges. Konye atupuruc na, aisiiraret ngin nakotoma apak alopet, ajeni eong kipou eong kajaatar ka aingarenikinio naka Ejakait aipup ngin atupuruc na. Ejokuna noi! Ido aanyu eong nueinakinitos yes itunga ilelakinitosi abunore aipup nges, da. Ido ebuni duc ngesi aismamaikin yes ajokis, ajeni eong cut, kanu aipup ngol.

3 Ajai eong atamit aikamun ti kanu adaun ace kotoma aingisingisetaka lolo, atupuruc na ka ajoset da na. Aringa eong ajaatar ka nuipu, nuipu, nuipu nuebeit aitolot. Ido eong...

Kwape, eyuunit eong, kerai Yetero nges abu kolimok Musa kapa adiopet, kobala, "Elangir noi ngun kanukon." Aso, kijaar oni ka iinacan luipu kane katiokisiokus. Ido nginidiopet kotomakec kerai ibore yenikibusakinit cut, ido eraasi kesi iboro luejokuka noi luibusakinit kitemokina. Ido etojokaarit eong ekecekoniwok, arai Onac Mann, ka ikejaanakinak ice luka Aiyuuniwok kane. Ipedorete yesi alosit mamakec. Epote kesi alimokin yes becebec cut ibore yenikiswama; itunga ice, ikecedwe, adukokin nainyalinyala, araiboot iboro lumam edolitos. Ido epedorete ikiliok lu aingarakin yes cut kwape -kwape ti epedoria ice kere, naarai eraasi kesi ibulesin luka Kristo. Ido kolototo mamakec, ido ajeni eong cut ebe epote kesi-epote kesi ainakin yes aingarakinio na ipudasi yesi. Mam eong apedori adolokin ngun kere. Ejaas cut nuipu noi, nginiibois kere nailosi jo. Eutasi cut ngun aidiatun kiyatasi aicular ido aicular, teijo. Kwabo-kwabo ikoto ti jo adolokin nginidiopet kakesi, mam jo ipedori aismamaun ngun. Konye ajai eong edenyakinit ailip ebe Edeke, kotoma opone ece, kismama ngun kopone loejok kanukus.

4 Kwana, akuare na, kikoto oni alosit toma Naiwadikatai, kasodete asiomun ewai loka Naiwadikatai kotoma Ageun, esula lo3; kasodi aijular kau nepetai mama ejaas iboro lukipou oni keneritos nukec, kapakio nuatuboros, kasodete aanyun arai ebuni Ejakait Yesu ainakin oni nuyatakina nepetai mama ejaasi ngun nukiponi oni ajenun kapak nakilomaria oni kinga. Elipit eong-elipit eong ebe ebuni Ngesi ainakin.

Kepiiriana emun aitelekarit itiang kere luka ais lukesubu Ejakait Edeke. Kotema ngesi aberu atiar, Eebo, abala teni Edeke ebe, Mam inyamenenete araito nuka ekitoi kere lokomanikor?

Kotema aberu emun atiar, Kisiikinitai ainyam araito nuka ikito lukomanikor:

Dimarai araito nuka ekitoi loejai kiding omanikor, ngun abala Edeke ebe Mam inyamenenete karaida atiror, kinyeis atwakare:

Kotema emun aberu atiar, Mam cut itwakete:

Naarai ejeni Edeke ebe apaaran napinyamiata ngun, nges ekwenyuniata akusikonye, irauos yesi da bala Edeke, ajenenen nuejok ka nueroko.

Nakeanyunia aberu ekitoi ebe ejok ainyam, isiyalamikinit da akonye, ekitoi da erai loisingobelei ayaun acoa, kodeng araitoke, konyam, koinak okilenike da; konyam.

Kitekwenyunai iarei kere akecekonye, kojenuit ebe kimujalalas, kodonyut akui nuka etini kosubut arobai.

5 Kiyatak Ejakait a...ArerengusioKe mama ejai asiomunio naka AkirotoKe. Kwana akoto eong ti alemun akou naka akirot lolo, kotoma kangun, kasodi anyara: Eden Loka Satan. Erai ibore yenedit yenipetai kanu alimun, nuka Eden Loka Satan. Esubit bala eupanara, kotoma akuare naka Nasabiti kaya, eyuunit eong, najaar eong enera mamakus kane nuikamunitos Aijililiet Naka Etunganan Loeomoomoi, ka nuejokikinitos etunganan lokalaaunan.

Ido kacepakio iboro ludidik lupetai lu kiyangaunete oni mama ejai icebore; kijaikini oni aisisia, ido

kibwaikini jo aisiom Akiro. Ido ngun kes nuakoto eong ikatunga kere aswam. "Mam etunganan ejari kanuka atap bon, dimarai kanuka Nginikirot naelomuni kaituk naka Edeke." Aso, kosiomata Akiro; kisisia Ngin. Ido kisisia Ngin nepepe kakonye nuka Edeke, kanu ainakin aijenekon amisiikin nuka epone loibusakinitor oni aijar kotoma apaaran na.

6 Kwana kanu abunore kwap, akuare na, bon kanu einer mamakus, atiar, "Eebo, ti eong kapedo aswam nu arai ngun,..."

Alalakinit eong ener nepepe kitunga, kwape neetia kwape da alalakinitor eong alosit ore nepepe kanginidiopet kayesi lolo. Eong...Ejeni Edeke ebe eraas ngun abeit. Alalakinit ti eong alosit ore nepepe ka nginidiopet kayesi, ido-ido ainyam-ainyam lukatupuruc nepepe ka jo tupuruc, ka-ka-ka alosit kinga kasodete ameja ikunyukoi nepepe kajo moi kejojotaki akolong, teijo. Eong-akoto ti eong aswam ngun, konye eong-mam eong apedori aswam kwangin. Ido ti eong akoto alosit ore kasodi cut aiboikin ener kajo; aiboikin obalasa akaulo naka aijaanakin, kasodete ener ka jo apak edit, ener mamakon nuikamunitos aiyalamakon ka nuikamunitos Edeke. Ti eong amina aswam ngun. Ikiliok ka angor kotoma kane; ejeni Edeke ebe alalakinit ti eong aswam ngun, konye mam eong apedori aswam ngun. Teijo, ejai cut kwa-airiitoni naikoni nen ka autaara da.

7 Ido-ido kotoma atur na naka aibure naepol nakijari oni kotoma...Arai eong etunganan loeburunana, eong elopet. Lolo edukun ibore mutan kaomisioka, "Ibusakininit cut eong aswam ngun," kwabo moi koraunete ngun nuelwaka kamakang amairon emilionit; adau icebore atubun toma kosodi aswam nu ka ngun. Ido ijaatar jo kapak, atamit aidar aijenekon kocae nepepe.

8 Konye nueswama eong nuepolok nges alimonokin Akiro Nukajokak kotoma Okanisa, ka aswam kere nuapedori ayaun ayongio mama ejai Yesu Kristo kotoma apaaran kana, najaar eong ne akwap, ka apak da naideuna eong kakwap. Abuni eong ai-aitam alimokin yes ibore yenebuni aingarakin yes; ibore mutan. Abu eong kesisia akaulo na eong alosit ore atupuruc na. "Anyoika bo lolo abuni alimun, wu Ejakait, nuepedorete aingarakin itunga ngul?"

Apupi aisiiraret ngin nakagogong atupuruc na ko...Naabu Onac Neville koinu oni, naikamunit...Abu eong kaomoom ebe arai ngin naeumokina noi, epone loabalar ngesi kanen, "Engicuni emuruon loka adekis ejautene ngol; konye etunganan loebuni itingit ipiison nges epedi." Aso abu eong kaomoom arai ngin teniteni-aitodikinet naedit kibus. Abu eong kaomoom ngun, "ekia, akaulo na edaunere angicun ejautene." Aso erai ngin ibore yenejokuna.

9 Akoto eong alimokin yes ibore, ayaun ibore yenitacaikini yes aisumunet naka Edeke kanuka atur kana. Ianyutu? Ibore mutan, mere ibore ice yenikerai itunganan ice kotoma apaaran ace, konye ibore...ido na...Iboro ngul eraas luejokuka; oni kere kingolianari oboro ngul. Konye abu eong kaomoom ayaun ibore ice toma aomisiokus, nepepe ka Ikokoron luewadikat eong kane, luepedorete ti aitacaikin yes, kanu ajenun, aitarau jo eserikalet loejokuna adepar kotoma alaro naijior jo kotoma kopekwana; kanu aisisiaun acoasinei nuka lokasurup, tetere jo ipedori agolokin nginibore eringa kedoluno mamakon, teijo. Ngin nges ibore yenebol, nges asisiaun aidarit-aipanganar iguumin awai kamakon, kwape cut noi kwape ipedoria jo.

10 Kwana, kerekisi ber oni kwana mama ejai nakapolon na...adaun adakikan adis, naepol na, apaaran nakadiakar nakijari oni kotoma. Mam eong eyuunit ebe iiritor ajaun apaaran nasiomunit eong nukeng kotoma akiro nueswamas kolo...Apotu kojauna apaarasia nukapolok nuka areio, naponere koarere idwe luka Edeke kanginikan. Konye asesen aingal naka lokasurupu, mam cut oni kijaunar kapaaran naikoni na nakijaria oni kwana. Erai nakacoasinei nukaingal nuitelekaritos kakere, apaaran nakaingalanut. Ido naanyunia eong ngun, eyauni na, ebe, ibusakinit Ekristayot araut loecoit lolo adepar neiritor ngesi kotoma atur ace kere.

11 Kwana, kokau kotoma apaarasia nuka areo, nako Roma, mama ejai Ekanisa, abu Ekristayot kismawau aibucaret, alosi ngesi toma alaro naka aboliasio ido aponi kitanere ingatunyo, arai ibore ice mutan kwa kangin, nakedumuniata kesi ebe kerai ngol Ekristayot kanuka ajenanutuke. Konye arai eketau loetajaritai, naarai kerai ngesi kasegaara lokiyuunit Edeke, ido kaiyalama abu kipucak ajenanutuke kede akeokot. Ido apotu amoori nukaokot kowiata, araiboot apedon nukakuanake, kosodete aokot ngun awiun kinga, adelori ngesi, kede aiyuun namunot, ido kobala, "Kijau ekamoyo, Ejakait Yesu!"

12 Konye, kwana, apiirianut naka ajokit kwana, ijaikinit itunga aiyuunit ebe eraas kesi Ikristayot kwabo komam kes eraas. Engibongin ibore ngin. Mam iburai jo aipucakin...Erai ngin-erai ngin apaaran nakacobeu adepar neibusakininit araut, adepar nakeraar jo aipucakin akon-akonijjar awai kede ajenanutukon. Adau ajokit ailok nginitacit kere nakacobeu naepedori ngesi, kanu...Erai ngesi eketapaaran. Ido abu Yesu kolimok oni, kotoma Matayo 24, epone loabunio apaaran na ajaut nakijari oni kotoma, apaaran nakaingalanut kakere kanuejaritos, "die noi tetere itapaari Luseuna obe luka Edeke arai epedoros ngesi ti aitapaar."

13 Kwana ketiirianata ber oni ace Nuiwadikatai, arai adwaranuto nuineritai kotoma Obaibuli, kanuka lolo,

kasodete aitiirian ngun kede apaaran nakijari oni kotoma.

Kotoma Timoteo Lokiareit lo3, kisisiauni oni nu, ebe abala enabi, ebe, "Abuni ajaun kotoma apaarasia kanu, ebe apote ikiliok araut luituros, luepogaka, lueminas aitelelio itia amin Edeke." Kitiirian ber jo ngun kwana, kanu bon apak naedit. Mam oni kiponi...Kiponi cut oni aituurian ngun, naarai mam oni kijaar kapak naetia nen kanu aitor toma kangun kere kwape ti ibusakinitor oni ti ayangar nges; konye bon kanu aikeun ngun, tetere yes ipedorete aanyun naidolioto yesi ore kanu aisisiaun ngun. "Luituros, luepogas, lueminas aitelelio itia amin Edeke; ikabilak ibotei, ikasabak, lumam itikokinos, ido lumam eminas ajokis." "Kwana inera emoyo kaitebeikin ebe apote iboro lu ajaun kotoma apaarasia nuepote." Ngun nges apaarasia nu, adwaranut inera mama ejai ngin.

14 Kwana kisiomi oni, da bobo, kotoma Apukokinio...14, Apukokinio 3:14, ti, Atur naka Ekanisa naka Laodikia, ebe epone loabunio ekanisa ajaut kotoma apaaran na nakawasia. Ido abu ngin ajaun, ebala Ngin ebe, "Abuni aiboikin bala apuserut ido koma ipuda idiobore. Ngin-Kerai ngin nakebarit, ido kipu iboro, kwabo komam ejeni ebe keraas lukican, luilwaritosi, luitimitai, imudukiok, ido kimujalalas, kwabo mam kejenete ngun." E...Kwana, kiitunitos, inera Ngesi mama ejai ekanisa loka atur kana, "ilwarittoi, emudukana, imujalal, kwabo komam ejeni." Alimunet ngin nakawasia, Akirot ngin nakawasia, nges einakinit ngun eraas nueumokina. Eomitos kesi ebe ilelebas kesi ejok noi kede Emoyo, eraasi kesi kere luekapakina. Atur naka Ekanisa naka Laodikia nges Atur naka Ekanisa naka Pentekosit, naarai nges atur naka ekanisa nakawasia. Abu Luther kojaunotor kaisiirareteke; abu Wesley kojaunotor kaisiirareteke; ido Pentekosit apotu abu kojaunotor kaisiirareteke.

15 Da bobo, abala Ngin, ebe, "Naarai ijalang jo, mam imwana arai mam ililim," apuponokin nakokinga, apotuunio kaomiso naka Akiro Nukajokak; "naarai," abala Ngesi ebe, "ikoni jo nen, abuni eong alekar jo kaitukuKa." Kotoma akiro ace, abu kisilekilek Ngesi kanu aanyun ekanisa kotoma ojautene kangol.

16 Ido, kiitunitos, apotu kesi kolekasi Ngol kinga; ido ajai Ngol kinga naka ekanisa, etamit abongor toma, kotoma Atur naka Ekanisa naka Laodikia ngin nakaronon.

17 Loerai edeke loka akwapin kanu lolo, etunganan ngol lo emaete akwapin lolo, nges Satan. Ido mam itunga ejenete ebe ejaas aima Satan, konye erai Satan nges etuputoor elopet kwape ekanisa, teijo, kwape ekanisa. Emaete ngul Satan, koomitos ebe ejaas aima Edeke kotoma okanisa, konye ngol nges epone loeswama Satan ngun.

"Oo," itemari jo, "konye kopala ber jo apak edit; kilimonokini isio Akirot."

Kongolek ber jo kau ne kotoma asiomunet kang, akure na. Arai kereka Satan nges ajai alimonokin Akirot mama ajai Keba, ber nasodit, "Abala Edeke," teijo.

Erai aijulun erono ewai ngol loka Naiwadikatai Obaibuli naebait apaaran ngin. Ecamakini ngesi jo ajenun ebe kere nuabu Yesu kiswama araas cuticut nuajokuka kaitekooro. Ecamakini ngesi jo ajenun ebe kere nuabu Musa kiswama eraas cuticut nuejokuka kaitekooro. Konye nailemunia jo aisumuneta nuapotu Kesi kijaikisi kanuka apaaran kana, koraunos do Ngun nukitebeikinitai atur ace. Erai ngun bon kes iburai nges aswam, teijo, nges ainakin itunga aiyuun Ngun kopone kangol, ido-kodaunos ngun. Naarai, "Mam jo ipedori alemar Akirot adiopet awai kama ka Ngin, araiboot aiyatakin mama ejai Ngin." Konye erai ngun kes iswamai ngol.

18 Itunga, komam ejenete emaete Satan, koomitos ebe ejaas kesi aima Edeke; kwape kikwenyaritor oni adwaranut, kotoma Isesalonikan Lokiareit. Ebe, kasiomutu do ber oni ngin, Isesalonikan Lokiareit, esula lo2. Kodumutu ber oni ngin kanu apak edit, arai apedori eong, arasakin cut. Akoto eong asiomun ngin. Ct, eyuunit eong, erai Isesalonikan Lokiareit. Kijaar ka Naiwadikatai kane. Kotoma Lokiareit...

Konye iinacan, kingangait yes, kakiro nuka abunore naka Ejakaitiwok Yesu Kristo...ka atukonokiniwok mamakeng,

Kwana, teijo, "abunore naka Ejakait, ka atukonokin mamaKeng," kwape ebunio Edeke atukokin itungaKe mama ejai Ngol kotoma apaarasia nukawasia. "Atukonokin naka itunga mama ejai Ejakait," mere okanisa, "mama ejai Ejakait; atukonokin nepepe mama ejai Ngol."

Kinyeis aisunyit airiangirianga kotoma aomisiokus, karaida...aiyalongong aiyalongong, karaida komoyo, karaida kakirot, karaida kobalua loebuni kamakosi, ebe...adolu apaaran naka Ejakait.

Kinyek idiotunganan aitapaar yes kopone kere; naarai mam apaaran ngin ebuni, dimarai isiauni ber atiakatiakaun ajaun, epukorio da etunganan ngol loka adiakar ("etunganan loka adiakar," koany anyoika erai ngesi kwana) epukorio etunganan ngol loka adiakar, okoku loka amudiar, (arai ngol Yuda, teijo);

Loirebirebi, ido loitopolor bon aitelekarit ibore kere yenenyaritai Edeke, arai yenemaio;

kosodi iboikin oyekalu loka Edeke, kitodiara ebe nges Edeke.

19 Aingalanut ngin naka ekanisa loka lolo! Koanyutu, "okoku ngol loka amudiar," ajokit. "Okoku ngol loka amudiar," ajokit. Apolouke bodo, emaete itunga Satan kotoma apaaran kana, koomitos ebe eutasi aima Edeke. Konye emaete kesi ngol kotoma aiyuunet, idiinin luiswamaunitos itunga ka aiyuuneta da kes ayangautu itunga kwap cut mama ejai aitapaario nakapolon kakere kanuiiritotor akwapin ajenun. Mam akiro arai etia biai Akirot naka Edeke, naisumunitai kanuka apaaran kana, elimonokinio ka aitodiarit da ebe erai nakabeit, mam kes iyuunete Ngin kopekwangin. Mam kes iyuunete Ngin.

Kanukinyo bodo? Kiumokinit oni kanukinyo. Kanukinyo mam ngin...kanukinyo mam kes iyuuniata Ngin? Kwabo nakinerar Edeke ebe abuni Ngesi aswam ibore mutan, kosodi Ngesi aswam ngin, kwabo ca kopekwangin ibelokinete kesi ngin epurakec kosodete aibeloor awai kama ejai ngin. Kwape cut ajenia Keba ebe nuabala Edeke ebe abuni aswam, abuni Edeke aswam; konye abu ngin kibelok ngun epurake, kanu apupun nukebeit ngol alimun.

20 Bon kiitutu, kotoma aturio nuce, abu duc korai ibore ngipengin. Kotoma kanginitur, kerai duc ebe etami Satan amunaar Akirot ngin mamakec, ainakin ngul aanyun atur ace.

Kongolekisi, naabunio Yesu, teijo, ajai Satan toma naka atukot ngin naka ikesisianakinak luYudayan, ka luka rabi ka isasedotin, etamit alimokin kes aricit ikisila luka Musa, kwabo kobala Akirot ngin obe ebe kotoma apaaran kangin aponio apukor Okoku loka etunganan, teijo, ebe abuni Ngol Elopet apukor. Aso ajaas do kesi atamit, alemar bon naedaritotor kesi ngul koraas luka ediini, ido kokisil loka Musa...ianyutu yesi nuabu ngol kismama? Ajai ngesi etamit alimokin ngul, "Ewai ngol loka Akirot erai cut naedolit cuticut, konye Etunganan lo mere nges Etunganan ngol." Ianyutu yesi epone loeraar ngesi loitapaari? Ngin nges apaaran nateniteni naka aitapaario.

21 Abu korai, ido kwana da erai, Satan euta adukun ajakanutuke kotoma akwap. Erai kanukangun becebec nges einakinit nges iswamai ngun, naarai ekoto ngesi aisicat ajakanutuke kelopet obe.

Kwape ekagwelanaran, lomam erai Ekristayot, ebuni ngesi aswam nginibore kere yenepedori ngesi tetere einakini jo aanyun ibore mutan kopone loerono. Arai ejaatar ngesi ka-ka alosikinet ka nu imedauni ngesi elopet kotoma ainakin jo aswam ngun, ainakin jo asesen ngun kopone kangol, ebuni ngesi aitodikin jo nginibore yenepedori ngesi, ido kireborite jo kama ejai abeit naka ngun, naarai ejaatar ngesi kaipun kanukeng elopet bon. Mam akiro arai etia ngesi ai ingalai ka aimod, ka nupekere ace, ejai nu imedauni ngesi elopet kanukeng.

22 Ido erai kanukangun nges eswama Satan nu. Ido eswama ngesi kitorite toma aijaanakin tetere aswam ngun, kwape abu Edeke kisumunitor ebe abuni ngol aswam. Kwana, abu ngesi kogeu kede aitapaaret naka ediini kotoma Eden, ido abu kiyatakinite ageun kangin.

Mere kopone lo asipokin atukot naka luka eipamorane. Itunga luka eipamorane emamaei ibore ikamunit kes kotoma kanu. Erai ekanisa, erai nen nges neibusakinit jo asesen, teijo. Mam erai e-mam erai luka eipamorane kes ti kitapaasi Luseuna obe; kijeni oni ebe itepigitos kesi nuka Edeke ajaut, ido eraas kesi lukasurup luka kristo, cuticut bo eraas kesi, kopitene, konye mam kes eraas lokasurup loka kristo ngol. Lokasurup loka kristo ngol erai loidiinikinit, idiinikinit noi, ido epedori atakunun Naiwadikatai, kosodi aitarauun Ngin naecae noi.

Kwape abu Satan kismama kokau kangina kotoma ageunet, abu ngol kotaku nginibore cut kere, "Abala Edeke ebe, 'Mam inyamete nuka ngolikitoi lokomanikor.'" Teijo, atakun Ngin cut kere.

Kotema ngin atiar, "Eebo, kipedori isio ainyam nuka ikito kere lukomanikor, konye ejai ekitoi kiding omanikor nges abala Edeke ebe mam ainyam, naarai, mam da ber karaida atiror ngol; naarai, apaaran nakinyamia isio, apaaran ngin kitwaki isio."

23 Kotema ngol atiar, "Oo, kaitebeikin mam yes itwakete. Konye kopala ber jo kalimok eong jo akirot naejaikini Edeke elimuni nu, erai naarai..." Teijo, abu kwana ngol kikonak ai? Abu ngol kotaku Abeit na, teijo. Kobala ngol ebe, "Epukori ngin akusikonye, ido ebuni aijaikin yes ajenun nukajokak ka nukaronok. Iputokinos do yesi ka Edeke, arai bon kipedosi yesi aswam ngun."

Erai cut ngun kes nuekoto ngol aswam, ido erai ibore ngipengin nges etamit ngol aswam lolo. Ajaun aitapaario kodiinin ameun kotoma ageunet obe ko Eden, ido ajaun ageun kapak kangin. Kotoma apak naka Adam, kerai aitapaario. Kotoma apak naka Noa, kerai aitapaario. Kotoma apak naka Yesu, kerai ibore ngipengin. Kosodi kwana da erai nges ngipengin, epone ngopengol, aitapaario kaileleba kotoma odiinin!

24 Kwana, kianyuni oni akwap, na ayaitor Edeke ngin. Kwana, na ayaitor Edeke ngin...najaar ngin kwap naka ayaiteKe. Konyet do, naekamaria Satan, kanuka ainger Akirot naka Edeke. Abu Edeke kadiopepak koyaite akwap. Abu Ngesi kibwaik ngin toma airimokineteke. Abu Ngesi kibwaik ngin, kijaik ngin aismama ngun. Kebu Ngesi kismamate nginibore, kojai ngin toma ayaiteKe. Kwana kilosi oni aituput ngin akaulo na abu Satan kogeunia ayaite ngin.

25 Kwana, abu koyangaik Edeke ikar ilukumin ikanyikape. Mam abu koyangaik Ngesi aojau ngin, konye abu koyangaik Ngesi aojau ngin. Ikar ilukumin ikanyikape, naarai kisisianakinitai oni ebe "apaaran adiopet kotoma Akuj erai ikar elukumit kotoma akwap," ido kerai ikar ilukumin ikanyikape, araiboot apaarasia akanyikape nges abu Edeke kodukunio akwap. Kwana, abu koyangaik Edeke ikar ilukumin ikanyikape kanu asipokin ngin, airaikin ngin ikinyom lukajokak ka aitolomun da nginibore kopone ke. Ibusakinit nginibore kitolomu yenikeponeke. Abu koyangaik Edeke ikar ilukumin ikanyikape.

26 Kawasia konyet do, kedau ngesi aiswamaun ngin kere, ido kawasia oni...abu kongetak nepepe ka headquarters keng, loka akwap, kaibois naitemelel naajai kide naka Eden, naanyaritai emanikor loka Eden, ko Misiri, kanepakanen cut kawasia nakokide naka emanikor nges ajai headquarters.

27 Ido kuju naka ejautene kangol kere, abu Ngesi kibwaik okokuKe ka aberu naka okokuKe, ayaite ngun kere. Erai ngin nakabeit. Ngung kes abu Edeke kiswama. Abu ngesi kibwaik kes ayaite kaileleba. Apedorete kesi ener mama ejaasi ikwamin, ido tikepedo ngol apalar aikut. Apedorete kesi ener mama ajai ekitoi, ido ekunyakini ngol anyoun kane kiton ngina.

Adakasi engatuny nepepe ka epeet nepepe, ido auriani imerekek nepepe ka kes. Amamei aronis. Kerai ainapakin naitekooro, aimorikikina naitekooro, nginibore kere kojai toma aitekooro, ido nakeyaitor Edeke ngin. Ido ngin...koany, kejaatar Ngesi kede aKekwap-kejaatar Ngesi kede aKekwap, kejaatar Ngesi ka kere iswamaete. Kejaatar Ngesi ka nginibore kere ebunit. Nginibore kere anyami ikui; amamei ibore yenatwani, amamei ibore yen amunaario, amamei ibore yen kibusakinit amunaario. Amamei ibore...Kerai cut nakitekooro.

Ido kuju naka ngun kere abu Ngesi kibwaik ikedwe luminan, okokuKe ka akokuKe, ekiliokit ka aberu, ayaite ngin.

28 Arai Edeke loesimonikina noi! "Ido abu Ngesi kiyengu kotoma aswamisiokere kere, kapaaran naikanyet-kaarei aibworaret kanuKeng.

Naarai, abu Edeke kirereo ngin kere, akaulo na nges adaun ikar ilukumin ikanyikape kotoma aiswamaun ngin ka aitemonokin da, ayangaun ngin araun naejai; ka asiponokin imoru, ka ainakin aduonor nakotoma naka akwap aremun imor kuju, ka iboro luapotu kiswamaunos kotoma aduonor kangin; abu kitoon ngin cut, kosodi asipokin ngin kopone loabu Ngesi kiswama ngin. Ido kerai ngin aibois nakibus noi.

29 Kemamei ibore yenikeputos kangin, nuka paradais nukapolok nuka Edeke! Kosodi dinosaurs lukapolok, ka ice bobo kere, eliatos kotoma kangin, ido nuka itiang ngul lukapolok; kemamei aditionis kamakec. Keraas cut kesi lukiyapaara kwape ka ikapa yenididi. Kemamei kes idiobore nepetai da; mam-mam adeka, mam aiturur; kemamei ikurut yenikadek karaida idiopet kakwap. Oo, aiboisit bo na!

Ikweny ngul lukapolok eporitos anyoun kokitoi kiton okitoi, ido apedori Adam anyara kes kikiroria, ido apedorete kesi aporokin okeperinike kosodi-kosodete aruo mamakeng. Ido, oo, aiboisit bo na naibus nakejaatar Edeke!

30 Kosodi konyet do aiswamaun adiopet kotoma atutubetaKe kama ka AkuanaKe Obe. Ejaatar Edeke ka atutubeta kotoma AkuanaKe.

Kwape, iraar jo atutubet naka papakon. Ido, koany jo, ibu jo kojai toma naka papaake kapapaake kapapaakon. Konye, kotoma kangin, katemasi, kijesutu ber oni ngun kwap bala jo kapapakon. Kwana, mam jo ibu kojani idiobore kapak nakijaar jo toma naka papakon. Ikurut yenika aijar elomuni kama kayenikiliokit. Ejaatar ikiliokit ka imoorit yenika aokot; ejaatar aberu ka-abeet; aso, kanukangun imoorit yenika aokot nges ejaatar ka aijar kotomake. Kosodi, konyet, nakijaar jo toma naka papakon, kaitebeikin mam jo ibu kojani idiobore yenikamunit ngun. Konye, ca, sayanis nepepe ka Akirok naka Edeke itogogongitos ebe kijai jo toma naka papakon, konye mam jo ibu kojani nuikamunitos ngun.

Konye do kapak kangin kimuit papakon ajenun jo. Dodo kede aimorikikin naka arucokin nepepe ka toto, koraun do jo yenabu papa kojenu. Kwana, irai jo atutubet naka papakon. Iputosi jo bala ngesi, ido ijaatar jo ka atutubeta nukakuanakon nueputosi bala papakon.

Kwana, epone ngol nges ajaar Edeke kotoma ageunet. Okoku kere loka Edeke ka ngin akoku da kere naka Edeke ajai toma naka Edeke kageunet. Mam jo ipedori aiatun ngun kwana, konye ibu jo kojai ngina. Abu Ngesi kojenu ngun. Ido akoto Ngesi jo ajaun tetere Ngesi epedori arucokin ka jo, ener ka jo ka amin da jo, ka aijangijang akonikanin.

31 Mam kereka jo ikoto etelepat kon obe...Mam tope ngin erai apaaran naepol naepedoria okookon abunore ore kosodi aiboikin ainyam komeesa? Naebongunio ngesi kojie, arai icebore arai yii, ejaas apoorei, ido epone loitemonokinio jo inyam, iari jo itaok yenikatuman, arai icebore bobo, kosodi aipoikin nges! Erai akuanakon obe ka aokot, ido kejai ngesi tomakon. Mam jo kijeni ngesi kapak kangin, konye ibu jo kojani ebe ajai ngol nen.

32 Ido kopone kangol abu Edeke kojoni ebe kilosi oni ajaun ne, konye do abu Ngesi kibwaik oni toma akuan tetere kipedorio atiror oni. Tetere Ngesi epedori arucokin, abu Ngesi koraun ediofet kaoni naaraunor Ngesi Yesu Kristo, Okoku loka Edeke Elopel, aileleba naka aitodiario naka Edeke. Kanukangun kerai ngin alosikinet naka Edeke, aitodiara atutubetaKe kotoma oidicane.

Najaar eong toma naka papaka, mam ajeni idiobore yenikamunit ngun. Konye naaraunor eong okooke kosodi ngesi auruun eong, arai atutubet, ewai ece loka papaka. Ido irai jo ewai ece loka papakon.

Ido kwape idwe luka Edeke, kirai oni ewai loka atutubet ngin naajai sek tomaKe, karaunos akuan kwape abu Ngesi da koraunor akuan, aso, kipedori do oni eidicane idiopet kanginice, kwape ekal loka Edeke kakwap. Ido arai ngin nges alosikinet naka Edeke kotoma ageunet. Eebo, ipa. Ngun nges nuakoto Edeke ktoma ageunet.

Keyait Ngesi nginibore kere. Ido abu Ngesi kibwaik etunganan toma omanikor loka Eden, korai kotoma apedor naka aseun; kobala, "Okoku, erai kere lokon."

33 Kerai aibois naibus! Kerai Edeke loesimonikina noi kwangin, kiton cut Ngesi abongor kosodi aiyengun kama kaswamisiKe kere. Ngolikitoi kere mam abu kitolom ikukwa ka isukukur. Mam aimuria nuapotu koraata kokitoi loka ikukwa. Kerai nginibore kere yen kitekoooro. Ikinyom kere keraas lukitekoooro. Kejai nginibore kere toma ojautene lokitekoooro.

Doodo nalosio Ngesi aiyengun ber naedit, abu lokasurupiKe kololoun kede aingal, kosodi aikamar ngin, kopone lo aijulakin erono ainapetaKe mama ejaas iKedwe. Naabu Ngesi komunor ikokuKe Obe; kwape imunokinor jo akokukon naelosio ngesi kinga kuare kede etunganan; naimunokinor jo okookon naibusakinor nges aupakin ka etelepato loemasi ajon araiboot loemasi esigala. Teijo, abu Ngesi komunokin okokuKe, ebe mam ngol abuni aswam idiobore yenerono, ido abuni aricit Nginikirot naenerit Ngesi. Konye abu lokasurupu kidadaun toma; bala emodok ngol ekengalan loeyangaari akokukon kosodi aswam nukaronok; arai-arai aberu ace na eyangari, alosit aupakin ka okookon, ido ibore ngipengin. Teijo, abu ekesa ngol kidadaun toma. Abu lokasurupu loka Edeke kidadaun toma kosodi aijulakin Akirot erono mama ejai Keba.

34 Kwana, ngol, kanuka aibiror kana, ekama ido erum emanikor loka Eden, ngesi elopet. Abu ngesi kikama ngol. Kwabo kwana ajaunotor ngesi ka ikar ilukumin ikanyikape luka ayaite naka aingal; aitapaar itunga, idwe luka Edeke, kwape abu ngesi kismama kapak kangin. Naarai arai kesi luasipokinitai toma alacakina naka aseun, aswam kopone edio kere loakotosi kesi aismama. Ido kiyuunitete ebe apote kesi aswam kopone loejokuna, araiboot komunote ebe apote kesi aswam ejok, kwabo do apotu kesi kopotu kede aswamisiot naebiroro, ido apotu kogwelasi apoloukec nakaurio, kwape abu Esau kismama, kanuka akwapin. Ido abu Satan kipiko, kosodi aikamar ngin. Ido ajaunotor ngesi ka ikar ilukumin ikanyikape euta aiduk Eden keng, kwape abu Edeke kodaunia ikar ilukumin ikanyikape kanu angetakinia Eden Keng. Ido kanuka aitapaar, aitapaario naka Akirot, araiboot itunga, kwana asipoki Eden keng kelopet kotoma akwap kana, kotoma adiakar.

35 Eden loka Edeke aponi kosipokinai kotoma adolit. Eden loka Satan esipokinitai kotoma adiakar, naarai erai Satan adiakar. Erai Edeke adolit, ido ajakanut naka Edeke aponi kosipokinai kotoma adolit, ka ainapakin, ka Aijar. Kwabo naejai Satan adukun erai kotoma adiakar, ka adiakar da naka ediini.

Kwana koany epone loetapaaria ngesi, aitapaareteke, kwape abalar ngesi ebe abuni aswam. Abu ngesi kismun aswam nu. Kebu tope idiotunganan kojenu ngun? Kapukosi ber oni toma Isaia, arai ikotosi yesi ace kotoma Nuiwadikatai kanu. Arai yes...Ibusakinite eong ti atakun nuiyatakina kaKesi, aomit eong. Kapukosi ber oni toma Isaia esula lo14, apak edit, kasodete cut aanyun ngun nuabala Satan kane, apak edit. Kotoma Isaia 14, kisiomuni oni ngun, kasodete aanyun nuabu ekesa lo kismama. Isaia 14, ageun kokoro lo 12.

Ibirun ca ma kakuj, Ijo aacer naka Atupuruc, okoku loka Acilakide! Kijeparitai ca ma kiton alup, ijo loibu kitisil atekerin!

Ibu kiner kotaukon ebe, Adokari toma akuj, etopoloori ekaicolong adepar aacer nuka Edeke ido eboikin omoru loka einos,...ari naka agolitomei:

Adokari kuju adepar amukurur naka idouon; aputokin ka Je loejai kuju ka akuj.

36 Kwana kitiirian ngun kalailo kane nepepe ka Nuiwadikatai nuce nukotoma Isesalonikan, apak edit kokau, epone loabalar ngesi ebe, "Iboie ngesi koyekalu loka Edeke, itopoloor elopet bon adepar idiobore kere yenyaritai Edeke, tetere ngesi kwape Edeke eraun lo emaio kwape Edeke kakwap."

Engol kanen edeke loka akwapin kanu loabu eong kalimonok yes nukeng Nasabiti naatubor. Elo ejai ne kotoma aitapaar, esawa ngol loetiono, apak ngin naepol nakijari oni. Erai apak nakaibuses naitelekaarit kotoma aturio kere, naarai ijai oni itereikina ka Emileniam loepol bobo; kitereikina oni ka Eden bobo. Konye cut kotoma atur kana, aitapaario kere ka nginicoa kere naiiritor ngesi aitwasam ido abu kopedoria

aitapaaria kede, atukoki nges ngun kere kosodi asicasia elopet bon; ido abu kwap bala Edeke, ido eboikin ngesi elopet aiboisit naka Edeke; idiinikinit, ido epedori atakunun Naiwadikatai ido epedori alimokin jo Naiwadikatai, kwape cut abu Satan kiswamaikinia Keba komanikor loka Eden. Konye ainyein aibois adiofet naka Ngin, kes bon ipuda ngesi aswam, aiswamaun apedot ngin, neepedoria aisorit naka aisisianakin naka ajokit abukokinor toma, kwape bala Aijililiet naka etunganan lo eomomoi nakijai oni inera nukeng akuare ya.

37 Kwana, abala ngesi ebe abuni ngesi apolour elopet adepar loejai kuju Kakuj; abuni ngesi adokar adepar amukurur naka idouon ka aacer, ido abuni ngesi aiboikin nen kwape Edeke, ido kojaun kuju naka ngol loejai kuju kaKuj. Ido apedo kereka ekesa je aitodolikin aitukurianetake. Apedo cuticut ngesi kaumokin aitodolikin aitukurianetake, kanu itunga acamakin nges aitetem awai, kotoma nginitur, etiai loka Akirot naka Edeke naisumunikinitai atur ngin. Erai becebec epone ngol nges eswama ngesi ngun. Kotoma nginitur, abu ngol kitetem Ngin awai.

38 Kotoma apaarasia nuka Noa, abu ngesi kitetem ebe kerai namam epedor akiru aitep abunore kokuju, naarai, "emamei akiru kokuju kangina." Eijiri keng loepol loka sayanis loabu ngesi kolimonok komanikor loka Eden! Apedori ngesi agumanar icuuman toma olap kosodi aitogogong ebe kemamei ainat kokuju kangina. Konye abala Edeke ebe abuni akiru ajaun. Konye abu Satan kopedo, ido abu komunau aomisio nuka itunga, kanuka aingic naka sayanis, ebe, "mam ngun apedorio aiswama." Konye aponi kiswamai. Abala Edeke ebe aponio aswam ngun, ido aponi kiswamai. Abu Ngesi kiswama.

39 Kwana, kotoma apaarasia nuka-nuka Yesu, abu ngol kiswama ibore ngipengin. Abu komunau aomisiokec bobo kede aingal, teijo, aijul Akirot erono. "Arai irai Jo Okoku loka Edeke, akoto eong aanyun Jo iswamauni idiobore kanuikamunitos ngun."

Mam Yesu abu kocam akekiro nu akote aisiyalao. Mam cut Nges abu kiswama kwangin. Mam Edeke erai ekesiyalan itunga. Mam Nges erai loibusakinit abongonokin idiobore yen ingisi Satan. Ajaatar bon Ngesi...Abala Yesu ebe, "Iwadikatai, 'Sirijo kijar...Mam etunganan ejari kanuka atap bon, nabarai kanuka Nginikirot naelomuni kaituk naka Edeke.'" Teijo, mam kiburai Nges aisiyal, kama kangol. Mam nges kiburai aiswamaun atap. Ti Ngesi kepedo aiswamaun ngin, konye ti do Ngesi kejaun aipup nuka ajokit, aso kereka mam kibusakinit Ngesi aipup nuka ajokit.

40 Ido kereka bobo erai adiakar nakediini, kwape sek ajaar kageunet, aingalanut noi. Kosesen ber jo ngin kwana. Mam cut erai bon adiakar naka nginipaaran ngin namojong, aswam adoteu ka emeret, ka aitwasam Ekiror loka Edeke atitai. Mam erai nges ngun. Mam.

Iitunitosi yes ikaru luatuboros, luipu kayesi kane, iipolok luemojongitos, iitunitos akirot ngin naabu eong kalimonok, naikamunit, Aitikadikinet Kotube. Amalayata, mam ngin eponio aitikadikin kangina. Ejeni akesa ya neebait nges alosit. Ekameran mam eponio aitikadikin kangina. Ikagwelanaran nuitemerete, ekenoman epiki, ekengalan, ekokolan, mam ngol eponio aitikadikin. Konye, etunganan ngol loemit ebe edolit ngesi, nen nges etakanunia aitikadikinet.

Erai ngol nges ekesa ngol, ebalala, ebuni ebalala, "Ejakait, mam kereka eong abu kalimonok Akiro Nukajokak, mam kereka eong abu kerenge ajokin, KokiroriKon?"

41 Kotema Yesu atiar, "Konyoutu yesi kamakus...kamaKang, yes lukeswamak nukepali. Mam lem kajeni yes nepecep da." Engin kanen aitikadikinet, teijo, aingalanut ngin.

Erai ngun kes edenyakinit eong...erau nen nges noi mam emisiikinitere eong. Mam erau ebe akoto eong araut loetegelikina. Mam eong akoto araut loetegelikina, konye ibusakinit eong araut lomunot. Kijaar eong kAisiiraret, ido ibusakinit Ngin alosit nejaas itunga. Iduporit ngin ejai amamus amisiikin naepol noi kotunga. Eomitos kesi ebe asuruokinit eong nginitunganan. Ejenete bon kesi, ajai eong kanuka nginitunganan, ido atamit nuapedori kere ainun kes ngun nueraas Abeit, kopone cut loiperikinitere Ngin otauka ka epone loiperikinitere Ngin kotoma Obaibuli kane. Ido itogogongit Edeke ngun araut Abeit, aso emamei bobo icebore yen epedorio aswam kanuikamunitos Ngin. Kwangin do, koraun ebe engolekinete kesi Ngin, arai mam kes engolekinete.

42 Teijo, mam kes ekotosi aanyun Ngin, naarai kedautu kesi agwelar sek, kegwelasi apedorosiokec nuka auruunio mama ejai erionget ece mutan, ediini mutan; aitam aigimor apedorosiokec nuka auruunio, kanu alosit Kuju kotoma apetetait naka ediini ece mutan, loda erau Satan nges erau akou naka ngin kere. Mam cut Edeke iiritor ajaut ka ediini loerai erionget, mam cut iiritor. Kwabo egwelaros kesi nen, ne da kesi, atukot naka itunga, nges ijuli Akirot ido kotemarete apolou kaNgin nges na ido apolou kaNgin nges ngin.

Mam Edeke ipuda ekejulan. Ngesi Elopel nges iswamai aijulun Keng Elopel. Mam Ngesi ipuda idiotunganan ice alimokin Ngesi epone lokiswamaet ngun. Erau Ngesi loepol kakere. Abu Ngesi kinerite epone loabunio Ngesi aswam ngun, ido erau kopone kangol nges ibusakinit Ngesi aricit AkirotoKe. Na abalar Ngesi, "Etupakinete aanyuneta nu ngul luiyuunete," apeleikinit cut Ngesi ngun. Kere nuabu Ngesi kinerite ebe apote atakanun, abala Ngesi ebe apote atakanun kotoma apaarasia nu nukawasia, ebe abuni

Ngesi aswam iboro ice mutan, ido eswama Ngesi ngul. Mam iburae Ngesi aingit idiotunganan arai adol apak arai mam. Ejeni Ngesi anyoin apak naejai, ido anyoin aitemonokinet naejai.

43 Kwana, Satan, eketapaaran lo, kwape inheritere kotoma Matayo 24:24, kede aitapaario naepol noi. Kwana, kidumuni oni ebe kanuka ainapetake nuka eijiri loka acoa, asisia naitelekarit, iponesio luikiara, apolo, ka ace da, eloga itunga luekotosi aijaanakin Edeke, toma aiyuun aingalake.

Mam Keba akoto aswam ngun, konye abu ekesa je kitodik ngin epone lojaar acoa naiyatakina kotoma kangun. Mam ngin ajeni; akoto do ngin ajenun. Mam ngin amisiikinit, konye do akoto ngin amisiikin. Kwabo alimokinit Edeke ngin mam aitam amisiikin.

Ekwaikini ai eong amisiikini idio kotoma oboro kalu? Mam eong apedori amisiikin kes. Eyuunit eong kes. Mam iburai eong amisiikin kes. Erai Edeke aiyuun, kwabo mere amisiikin. Erai bon oni aiyuun nuinerit Ngesi.

44 Kwana, kitiirian Eden loka Edeke ka loka Satan kwana, akaulo na ikar ilukumin ikanyikape luka aitapaario naka aijulunet nakabeit naka Akirot naka Edeke naisumunitai atur ngin. Ketiirianata ber oni nges kwana, kasodete aanyun nekidoli oni. Bala kwa abu ngesi kiswamaikinia mama ejai ekanisa kotoma-kotoma apak naka Kristo, kotoma Yesu, etamit aireborit-aireborit kau odwe luerimaaka luka Edeke aisimik ajenun Abeit. Erai ngul luka Edeke. Abu Edeke kibwaik odweKe ne, atutubetaKe, kanu aimor eidicane nepepe kaNges kanuka aiirar AkirotoKe.

45 Anyoika kereka karai papakon ti alimokin jo, ido korai jo okoku loerimaana mama ejai papakon, kosodi ti ngesi alimokin jo kobala, "Okooka, mam ilosi toma akipi ngun kokinga kanen, aidu, naarai ejaas akinyanga akipi ngin"; kwabo kobonguni ekesa ece mutan, kobala, "Korai naejena cut, akipi nuelaete kwa kangun, emameete akinyanga ejaas toma nen"? Kwana do ingai bodo ilosi jo apupokin? Arai irai jo okoku lokabeit, ipupokini jo papakon.

Ido okoku lokabeit arai akoku naka Edeke eyangaari Akirot naka Edeke kwape nasodit. "Ejai epoison oikopo," ido iyuunitos kesi ngun.

Aiyuunit AkirotoKe kere, Ikinyom Keng, apotu kiswamaut Eden loka alaunit, amin, ka Aijar naka Ikar Kere. Ngun kes nuabu Eden loka Edeke kitolom, alaunit. Ido abu koyangau Eden loka alaunit, loka amin, loka aijen, aitekooro, ka Aijar naka Ikar Kere. Ngun kes ejai Edeke aira; AkirotoKe, Ikinyomit Keng. Ngin nges ebuni EkanisaKe araut kawasia; ebuni Ngol araut ibore ngipengin.

46 Koany, aomisioit na kane. Siri kimurwok yes ngin. Abuni eong adolokin ngin kapak ace arai kAisiiraret ace. Konye, ijenete yesi, abala Edeke ebe, "Kitolom nginikinyomit yenikeponeke." Mere kereka ngin aicorakinet naka Edeke? Kwana do anyoin ajokis na ekalimonokinan edio kere, arai itunganan ice, aitam aijaikin Akirot ngin einer ibore ice bobo? Teijo, Nginikirot naka Edeke erai Ikinyomit. Abala Yesu kwangin, "Ikinyomit yenabu ekayean koloma aiye." Aso arai erai Marako 16 Akirot naka Edeke, ebuni aitolomun nukeponeke. Ido nginisumunet ace kere ibusakinit aitolomun nukeponeke.

47 Koanyutu yesi, ianyutu Satan kokinga kane kotoma atakan naitegelikinar? Etamit ngesi atiar ebe, "Mam erai, mam erai kwangin." Ijenutu yesi ngun? Teijo, Satan ebala, "Oo, mam Ngin erai kanuka apaaran kana. Ngin, ngin-erai ngin...Kerai ngin apaaran ace mutan. Ngin, mam da ber ngin erai apolouke nges ngin."

"Kanginikinyomit ibusakinit abunore kotoma aput naka eponekeng." Epone ngol nges abu Edeke kosipokinia Eden Keng. Ngin mere kereka nakabeit?

Ido ngin na kane: Epone ngol nges esiponokinia Edeke EkanisaKe, Kanginikirot koponeKe! Mam etunganan ejari kanuka atap bon, dimarai kanuka Nginikirot naelomuni kaituk naka Edeke."

Ianyutu? Satan, eyangari ngol ibore ice mutan, konye abala kereka Edeke ebe, "Nginikinyomit koponeke."

Arai ebala aisumunet ebe, "Etupanakinete aanyuneta nu ngul luyyuunete," kwana ebala ekanisa "Koloma okanisa. Kolimo aiyuunet. Kojenu atikasimu."

Emamei ibore kwa kangin kotoma Obaibuli kere.

Konye abala Yesu ebe, "Etupanakinete aanyuneta nu ngul luyyuunete: KokiroriKa irenganarete ajokin; epote ener kangajepa nukitetiak; arai kitingata imunuo, arai aimat ibore yenikaaran, mam isiriebi kes; arai kidokokis ikadekak akecekanin, engaleunete." Ingai bo ber idiotunganan loepedori aitepeg Ngun? Ianyutu?

48 "Nginikinyomit ebuni aitolomun nukeponeke." Arai irai jo aur naka Edeke, atutubet mutan, okoku loka Edeke, apolouke eyeitai Akirot naka Edeke tomakon. Ianyu? Kosodi do naipupunio jo Akirot naka Edeke, "Iirarete aKamerekekin EporotoKa; mam etuparete ilongwau." Idumutu yesi ngin? Apolouke bodo,

nginikinyomit elomuni etuparit eponeke.”

49 Kwana kidumuni oni, ebe nakitolomunia nginikinyomit nukeponeke, amamei atwanare kotoma lokitetet ngol...kotoma Eden ngol. Mam atwanare ebuni ajaun kotoma Eden nakitetet. Teijo, kemamei, idiobore ice bobo dimarai alaunit, asegaara, kosodi Aijar naka Ikar Kere.

Kwana, kanuka amamus aiyuunit Akivot naka Edeke kaileleba, ayau aur naka amamus alaunit kotoma Eden loka Satan. Kijai kwana oni alomar toma nejaar Satan aiboikin oicolong, kwape lokasurup loka kristo, kotoma e-e Eden loka akwap kana, Eden loka adiakar, ediini loitaparitai. Mam nges abu kogeu ebala, “Eong lo Satan. Eong nges emalaika ngol lokapolon.” Mam, mere kabwoetait kangin, konye kabwoetait naka aitapaarit Akivot naka Edeke. Ido epone ngol nges ayaunana ngesi akejakaanut, kotoma nginitur. Ido epone lo kotoma atur na naepol naka aitapaario, ejai ngesi akapakin aiboikin oicolongoke, kanuka itungake! Aduk ngesi kanukeng Eden loka acobeu, aisisiate, epone loka sayanis; nukabeit, ikalimonokinak luka epone loka sayanis, ekanisa loka sayanis, e theology loka sayanis, nginibore kere erai yenika sayanis. Nginiore kere epesikinitai toma acoa. Ekanisa kere edukokinitai toma acoa. Mam edukokinitai toma aiyuun.

50 Adiopepak abu eong kalot aitotolot airiamun toma okanisa loka ecetunganan. Arai etogo loka aboliasio loepol noi ko To. Etunganan loejokuna noi, ido abu ngesi kogirite iboro lu lukinera oni nukec. Konye ca, arai ngesi...ajokikinit eong ngesi; etunganan loejokuna noi, emojong. Naalomaria atukotoke kinga...Apedorete itunga aiboikin nen luedolete bala ilukumin ikanyikape. Naalomaria atukotoke kinga, kotoma aijaanakin najoset naka akolong, bala elukumit ka akwatakany, araas ngul kere luecobe konapitos-ejok noi. Abu eong keboikin nen kasodi asesen kes.

Abu ngesi kolimonok akivot naajokuna noi, abu etunganan ngol kolimonok. Kosodi konyet ngesi aingit arai ajai idiotunganan yenakoto aijaun Kristo; bon kikiasi akecekanin. Ido emamei idiotunganan yenabu kikia akecekanin. Kawasia konyet do abu aberu ace kikia akekanin kuju. Kotema ngesi atiar, “Mam ace, irai kwana jo Akristayot,” kosodi aitojokaar ngin aibatisaun. Kosodi konyet nalomaria ngol kinga...Abu ngesi kisirereng imukeru, konui imukeru ngin kosodi ailipakin ngin, kosodi konyet aitwar itunga.

51 Naalomaria atukot na kinga, kere itunga lukajokak, ikesisiak, luesiomitos. Kapak kangin abwoi eong kariri, kanu ayogan etunganan ngol aijangijang akekan ka amunor nges arerengu naka Edeke, kwape ajaar ngesi alomar kinga.

Ido naeswamaunia eong ngun, kane kobuni nakang atukot alomun toma. Mam kes apedorete acamakin kes alomar toma eringa nakeng atukot ejai nen. Kane kobuni naka, kotoma oicolong loikokorio, adaketa, lueenitai, lujangakina akwes, ka nginibore ice kere bobo. Ianyutu yesi atiaketait? Nges bo ngin. Ngin nges ibore yen enera eong nukeng, teijo. Teijo, erai ibore yenegelara.

52 Kwabo, kanuka aijen naka sayanis ipedori jo aiswamaun aijen naka Akivo Nukajokak, ebe, ijo, “ngin yeniyuuni Yesu Kristo mam akivo itelekaarete,” teijo.

Konye, “Etupakinete aanyuneta nu ngul luyuuunete,” teijo, emenit ngesi aibwaikin Ngun toma nen, teijo. Abu ngin kiyu Yesu Kristo, etajarun ngesi, arai etupakinete aanyuneta nu ikeyuunan.

“Ido ngin yenirari AkivotKa,” mere bon asubit bala, mere aiirar Ngini kakekii, konye, “ajenun Ngini.” Idiotunganan kere epedori aiirar Ngini; epedori amalayat aiirar Ngini kosalakini erai amalayat; teijo, ekameran epedori aiirar Ngini; ekengalan epedori aiirar Ngini kosodi asalakin erai ekengalan. Konye, “Ngini yenejenuni Akivot, kosodi aiyuun Ngol lokejukuni Eong, ejaatar ka Aijar naka ikar kere.” Aso konyet yesi, teijo.

Kwabo emamei itunganan epedori aswam ngun dimikito icorakin Edeke nges. Abala Yesu ebe, “Emamei itunganan ebuni mamaKa, arai mam PapaKa iriunit nges, ido kere lukainaki Papa Eong epote neajai Eong.” Amen. Eraas kere nuka aikiara ka aijen nasek naka Edeke. Ejari Ngesi bon ido emamei elimokini Nges nukiswama.

53 Kwana, kanuka amamus aiyuun, kotoma amamus ayangaar Akivot naka Edeke kaileleba, ayau ngin aur naka amamus aiyuunit, namam alaunit, nakadiakar, angaranara, ido atwanare naka Ikar Kere nges ejai toma atur naka ekanisa na, naileleba adiakar, naecobe. Kwana ianyutu yesi ngun? Kotoma apaaran na, ebe naraunor akwap kere naka idiinin! Ipotu tope yesi kojenete ngun? Akwapin kere ediinikisi. Ido kotoma atur na naka idiinin, ikanisan luepolok kanginigor kere; nginibore kere, ibore ngin kere engetakin erai Satan ejakai aima. Enata ngin kane, cut kane kotoma Obaibuli. Erai ngin nakabeit. Ido kotoma seminaris lu lukacobeu, luka theology luetolomutu itunganan yenecebe yenituutuoritai epone loebeitor ener, nuibusakin aswam, epone loebeitor aijanganakin, ka nginibore kwape nat amisiikin aomisio, ikar iuni arai iwongon, kanu ajenun epone loibusakinitor aiswamanar kede aomisio nuka etunganan. Teijo, erai ngin...

Emoyo loka Edeke mam erai ibore mutan ebe, ijo, itolomikini tomakon kopone lo aisisianakin. Erai ibore yenikinerunitai sek ajaun tomakon, kanuka akan naka Edeke lokapedor kere. Nuebeit jo aitor toma ajenun mam epedorio aitiosom arai aisisianakin tomakon. Eraas ngun nuinerunitai sek, kanuka akan naka

Edeke ka aijen naka Edeke nasek, ajaun tomakon. Erai ngin nakabeit.

54 Kwana, abu kitolom Eden lo loepol loejarete kwana kesi kotoma, Eden loka akwapin nuka ekanisa. Ejaas kwana kesi aimorikikin kwana kotoma Aurianet naka Aimorimorun, ido elosete ajaun kede ekanisa loka akwap kere loejaun kwap naka akou adiopet, ne eponere aisiboikin Satan oicolong, cut becebec.

Ido kereka ejai anyarit nakawasia elomari kinga, kanu aikamun Ateran eringa Ngin kelomara toma kangun. Naarai keloma toma nen, adau bodo ayangaar emacar loka etiang, kosodi amudiar, mam cut ngin bobo elomuni kinga kama ejaasi ngun. Erai kanukangun, ebalar, "Kolomutu kamakec, iKatunga," eringa ngin kelomara neejai ngol, teijo. "Kolomutu kamakec, ido kotiakunos yesi."

55 Kwana, angaranara ka atwanare, ka atiakar naka Ikar Kere kama ejai Edeke, kotoma Eden lo; eimiel, asilianut, aitapaario, (kopone kali?) kanuka aiye ikinyomit yenikaronon.

Isiitikini eong nuka aitapoet naabu eong kaanyu eringa eong kiira airiamakin kede itunga luraas Ipentekotin, nuka Etunganan kangol loalosi airimokin akwap, konapite anapito nakakwangan. Ipupitotor yesi eong alimonori ngin irwan ipu. Kosodi kobu ediopet atupakin Ngesi, eyei ikinyom luka amamus acamanara.

Konye abu ngol kodum ngin kopone loejok, kotoma Keba...kotoma omanikor loka Eden, kanuka eimiel loka Keba adiakar; eimiel kanuka Keba, loka adiakar. Apolouke arai abu Keba kimielakin acoa, kerai bodo ngin adiakar.

Ido nakimielar oni acoa, akote Ph.D., LL.D., erai ngin adiakar kanu aswam kwangin. Eraas ngun alimununeta nueninik, konye erai ngin Abeit. Komam apod arai eninik ngin biai, eringa ca ngesi erai Abeit kopekwangin, teijo. Eimiel acoa, ajenun!

Ibore kanen erai, erai, lolo mam oni kikoto aitam asipokin Akirot naka Edeke toma otauon luka itunga. Kitamit oni asipokin oni ikulepek. Ikanisan etamitos asipokin aisisianakin naka ekanisa, toma otau loka itunganan.

56 Kicorakinitai oni asipokin Akirot naka Edeke. Abala Paul ebe, "Mam abunit kakiro nukacoa nuijodoete nuka itunganan, tetere akusiyyuun mam egongakina acoa naka itunganan; konye abunit eong mamakus kotoma apedor ka aitodianareta da nuka Emoyo Lokalaunan, tetere akusiyyuun iyengunit kotoma Edeke." Aso konye jo.

Etunganan mam ibusakinit asipokin ijo ilopet. Kidumuni oni ngun kokiding...Kojalak Edeke kiswama idiobore kanuka etunganan kosodi aiyakiar ngol kinga, idumuni jo ngolitunganan kere etami aituputoor ngun. Teijo, etamitos kesi asipokin ikulepek bonik. Ngolitunganan "Abu eong keswama nu. Eong, eong, aka, ekadiini, eong, nu," eutasi kesi asipokin ikulepek bonik. Anyoika bo ber kiuta oni alimonokin nukeng, oni ikulepek araibo Ajakanut naka Edeke?

57 Kosipok Akirot naka Edeke. Kolema amamus aiyuun kosodi asipokin Akirot naka Edeke kotoma otau loka etunganan. Ido kereka mam Ajakanut naka Edeke epedorio asipokin toma otau loka etunganan dimikito kiswamaunit Edeke etunganan ngol kopone kangol. Mam epedorio Nges asipokin kotoma e...

Ido, kiitutu, ewai loka aingalanut, lo eomitos itunga ebe edolit. Teijo. "Ejai erot loesubit bala ejokuna mama ejai etunganan." Nginibore kere yenikacobeu esubit bala edolit.

Kwape abu eong kalimokinitor yes Asabitin adis nuatuboros; na abwoia eong kodie naka ikokuka yen ajai atwanare, ido ajai Satan ebwoi kanen ido kobala, "Papakon ngol kanen, abu kotwanik akaninikon akuare ya. Aberukon ngin eperi kama kotoma omocari, ido kane ikonikoku yen ejai alosit. Ido ibu jo kilip Ngesi abongokin jo, kwabo abu Ngesi kijesu akon...Abu kijesu etoribe kwap kujukon. Aso, kwabo kereka erai Ngesi Edeke loejokuna, ido kereka ibala jo ebe erai Ngesi Eketangaleon. Kwabo ijo, loibwoi kanuka ngun nuibala jo ebe keraas nukabeit, ibiroro jo." Oo, nginikirot kere, nginiijen kere naka adam ebusakinit acamun ebe kerai ngin nakabeit; ido adolit ngesi paka nen.

Kwape kwangin keraar ngesi lokedolit kapak naalimokinia Keba atiar, "Ekwenyunete ma akusikonyen, ido ipote yesi ajenun nuedolitos kama ejaas nukarokok. Boboda ipote yesi araut kwape idekesio, kopone kangol, aijen nukajokak kama ejaas nukarokok," naarai mam Edeke abu kecamakinit kes ikulepek bonik ber aanyun, ebe kimujalalas kesi. Aso ajenete kesi ebe apote kesi ajenun nukajokak kama ejaas nukarokok; ido adolit ngesi. Konye, teijo, arai ngin naetegelikina kama ka Akirot naka Edeke.

58 Ido kwapekwangin iswamata ikejaanakinak ktoma seminaris, aisia e theology loiswamaunit-etunganan; epedori atakan bala edolit, epedori araut amisiikin ibore epone loejok, konye ibiroro ngin.

Mam iburai oni amisiikin Ngin. Erai oni aiyuun Ngin naarai Edeke nges abala kwangin, ido kodaunos ngun ikar kere. Ibore ngin kere kaileleba, epone ngol nges ibusakinitor aiyuun Ngin.

Oo, epone loemielar Keba adumun e Ph.D., teijo, epone loemielar ngin araut naecobe adepar nearai

ngesi!

59 Kongolekisi epone loaputotor, ekiliokit ka akeberu...Kwana koanyutu, ekiliokit ka aberu, emujalalas kere komanikor loka Eden, Eden loka Edeke.

Kwana alosi eong agolokin. Abala sek eong ebe alosi eong adaun adakikan adis bon. Kongolekisi, koanytu kwana, kwape kigolokinio.

Kitiirian nu kwana, epone loeputotor ebe ekiliokit ka aberuke, kere kotoma Eden loka Edeke, komamei adonyokinet adiopet da naka igoen kamakec, kwabo mam ajenete ngun. Naarai kanukinyo mam kes ajeniata ngun? Naarai kimukoritai kes kama ajaas apupetakec nuka amujalal, kede Aigalisit Nakalaunan, naka Emoyo Lokalaunan. Apedorete cut kesi asesen idiopet kanginice, kwabo mam kes ajenete ebe kimujalalas. Emukoritai kesi kede Emoyo Lokalaunan, loka alaunit. Emukoritai kes.

60 Aimukoret naka Edeke, lolo da, epedori angolekin kwabo mam imielakin. Engoliarete awai. Erai Aigalisit Nakalaunan, teijo, Aigalisit Nakalaunan. Ajaas Edeke ka akonyenekec...kes kere kairotarit, idiopet arai ekiliokit kosodi yenice yii arai aberu, ido mam kes ajenete ebe imujalalas kesi, naarai alaunite naka Edeke arapit akecekonye. Koanyutu, abu Edeke kibwa acoikinakec kama ajai adiakar, kede Aigalisit Nakalaunan.

Elipit karai kojai oni apak adio kanu ti aiyatakin kotoma kangun, adakikan adis. Kongolekisi ne, "Naarai ngin, ikamaan kedaun aitalaun irwan atipet," Iburanian, "kedaun ikamaan aitalaun irwan atipet, emamei bobo eipud loka adiakar." Adau adiakar atubor kamake.

61 Abu eong keira Onac Neville ebal, atupuruc na, kejai aticepak itunganan kingisit ngesi ebe kanukinyo mam eong alimonokinitor nuka Emoyo Lokalaunan, kanukinyo mam eong eswamator nu. Enata kane. Emoyo Lokalaunan nges aswamisioit kotomakon. Erai Ngol Aijar, mere aipup bon; mere epone ece loka aitogogonget naka akuan. Konye erai Ngesi Etunganan, Yesu Kristo, Akivot naka Edeke esipokinitai otaukon, kanu ainakin aijar mama ejai Nginiakivot kere naka atur kana. Nakabeit. Kosesen Emoyo Lokalaunan kotoma aswamisioit, mere noi kotoma aitodianareta; konye, kotoma aswamisioit, nunyoika ejai Ngesi aswam kwape abalar Akivot.

62 Koany kwana Emoyo Lokalaunan, loka Akivot Nakalaunan naka Edeke, kidarit ekiliokit ka aberu imujalalas, kwabo komam ejenete ngun. Ibus bo lolo biai, Aijar naka Akivot; ikinyomit, Akivot!

Abala Edeke, "Ejai ekitoi kiding omanikor, aberu. Ido kiding naka emanikor ejai ekitoi lo; mam da ber itirori ngol. Naarai, apaaran napinyamiata yesi akeraito, itwakete yesi apaaran ngin." Kimukoritai kes kalaunit kama kangol, mam kejenete idiobore yenikamunit ngun, mam nepetai aijecekin atiror ngol.

Emukoritai kes kaimukoret nakalaunan. Ayuara kesi koswam loka Edeke. Ajarete kesi. Kemamei atwanare kodie kec. Aleluyiah! Kejaatar kesi kamina naitekooro idiopet ka yenice, Aijar naitekooro ikar kere. Kejaatar kesi kamina naitekooro, aijen naitekooro naka amina naka Edeke. Kejaatar kesi kAkivot naka Edeke, ido aricitosi kesi Ngin. Kwabo ajarete kesi ido koyuara da kotoma Eden loka Edeke, komamei atwanare karaida, nepecep da, kanen.

63 Abu konyet, Satan kijaik Keba aipup eijiri keng loka theology, eijiri loka aijen, aisia naka adoketait nakokuju, iponesio luikiara, apolo naejok naka acoa ka ace da kwangin; konyet do nadumunia ngesi...ejaikinia ngin abwoun ber kosodi apupokin ber ngesi apak edit, airwananareta ke (nu da icorakinitai oni acakun kwap), nuainakinia ngin apupokin ngun.

"Kwana, kongolek ne, ekanisa erai mutan-ka-mutan. Erai loabwo adaun aojau. Kirai isio ediopet kotoma okanisan lomojong kakwap kana. Emeya loka eibuga elosenene." Mam eong apodo ibore yenerai ngol, teijo. Arai erai ngesi eketepangan Akivot naka Edeke, korau yenitepegi ngol. Lokasurupikon nges ngol. Idiobore kere yenitepegi Akivot erai lokasurupikon.

Nginibore kere yenigangit Akivot erai onacekon. Erai ngol loko owaikon.

64 Koanyutu abu ngin kolema awai Aimukoret Nakalaunan, tetere aanyun arai inyo kaitebeikin kerai aelo; kitiirian ngun, nuebuni eimiel aswam kaitebeikin. Abu ngesi kolema Aimukoret awai kakonyeneke, ibore yenikalaunan yenabu Edeke kimukoritai akekonye. Akoto nges ajenun, ajenun arai anyoika nukikamunitos ngun; kwangin do abu nges kolema Aimukoret awai tetere ejenuni nukikamunitos ngun. Abu ngesi kopupok ajokit, ido koany kereka jo nanyoin aibois naabu ngin kibwaik ngesi toma.

Eswamata kesi ngupengun kotoma nginitur akaulo kangun, duc ayangaanar ewai loka apiirianut; ido adau kwana adukun ajakanut naka Satan, ajenun, aurike naabu ngesi koyeik, ido ayanga akwap aitarau Eden loka atwanare.

65 Kwana koanyutu. Kwana kongolekisi ber yesi Apukokinio 3, Atur naka Ekanisa naka Laodikia. Koomoom ber jo ngun kotoma aomisiokon.

Kwana koany. Akesa ngin, Keba, erai akabaka naka Satan. Teijo, Satan, emun ngol, abu koloma

neejai Keba eringa Adam kelomara mamake. Ianyutu? Erai ngin nakabeit. Aso abu ngesi kijodijod ngin, teijo; kwangin Satan, emun ngol, kerai okilenike kaKeba eringa ber Adam kiira ajenun. Teijo, abu ngol kijodijod ngin. Ebalala Ebaibuli ebe abu ngol kijodijod ngin, ido abu ngin kojenu kapak kangin ebe kimujalal ngesi. Teijo?

66 Kwana kongolekisi a-Atur naka Ekanisa naka Laodikia. Akesa ngin, Keba, ejai iboie kwape akabaka naka Satan. "Ebarit ngesi kotoma oboro lukakwapin; emudukana, imujalal bobo, kwabo komam ejeni ngun," cut bala kwape ajaar kotoma Eden loka Edeke. Konye kwana, mere naarai imukorit Aimukoret Nakalaunan akekonye, konye aimukoret naka eimiel. Ebe, abu ngesi kolema Aimukoret Nakalaunan naka Edeke awai, kosodi anapakin aimukoret naka ajenun, kanuka eimiel. Kwabo kwana ejaatar ngesi kede aimukoret naka eimiel, ebe "emudukana" ngesi mama ejai ngin ebe erai kereka ngin adiakar. "Imujalal" ngesi korot, "kwabo komam ejeni ngun." Erai nges amalayat korot. Angor nuenapitos ipalei lu luuriesik, kotoma asesen naka Edeke, erai amalayat, "kwabo komam ejeni ngun."

67 Koanyutu, ayangaar angorowok. Kwana, arai ikoto jo aanyun ejautene loejai ekanisa toma, kosesen epone loiswamatar angor. Erai duc ngesi naebwoikinit ekanisa. Kotoma Eden loka Satan, loka adiakar ka amamus aiyuun, aitapaario naka idiinin; ajakanut naitapaaritai. Aibois na ayangaar Akirot naka Edeke, ayangasi kesi aisisia naka acobeu naka etunganan. Ido aibois na ayangar Ekanisa, apotu kesi koyangasi erionget, ido eutasi kesi ayangaun ngol mama ejai akou adiopet naepol.

68 Kwana koanyutu, itapaaritai anyoun kamamus araut yenejani akiro. Sirikitwania na kwana. Ajai ekanisa enapit aimukoret na naka eimiel. Kongolek nueswamaiki ngin nges. Erai ngin-etapaa ngin nges karaut lomam adis akiro nuejani kiton aijen. Teijo? Aimukoret Nakalaunan, mam ngin nuajeni; kede aimukoret naka eimiel, araun ngin naejeni. Ejeni ngesi ebe isiyalamikinit akonye. Ejeni ngin nuiswamai ngin, teijo. Erai ngin araito, ekitoi loipudai, itarauni itunganan yenikacoa. Ianyutu? Etapaar ngin anyoun kamamus aijen kiton ajenun, anyoun kalaunit toma asilianut ka eimiel, ido anyoun kAijar toma atwanare.

Ibusakinit ajakanut na atwanare! Edeke loka Akuj ebuni amudiar nges kakwap.

69 Koanyutu, kotoma aitapaario na, arau anyoun kama ejai etunganan mama ejai aberu, ido kama ejai aberu mama ejai ekiliokit, "kwabo komam ejenete ngun." Nukajokak nuetolomu Eden loka Satan, arai kisesen jo irotin lolo, itungawok lukatinen kwana.

70 Koanyutu, kerai Keba nges abu Satan kitwasam ainakin Adam ediakari kanuka apedorike naka eimiel. Kwana eputo, iswamaete ibore ngipengin lolo. Koanyutu, aitub itima, aijuk eriagi akonye, anapit kopone loisingobeli aelo, teijo, iswamai ngin ngun, ido komam ejeni ebe nginidiopet kotoma oboro kangul esuruokinitos Akirot naka Edeke. Atubonor iketima, itarauni ngesi aberu naesil, amalayat. Ainap lueuriaka, ibwakini nges toma oleic. Anapit anapito naisingobeli aelo, itarauni nges amalayat. "Kwabo mam nges ejeni ngun," mere kanuka alaunit naka Edeke; naarai eimiel loka Satan. Iduporit eke...Iduporit Adam keng imiela ngesi.

71 Abu ngesi kolaca igoeneke luabu Edeke kitanap ngesi, kokau kotoma Eden, kanuka erotoke aitor a-a amoding na. Abu ngesi kolaca ngul. Abu akesa ya kolacana alopit ngul kamake motimot. Kwabo abu Edeke kimukorite nges akuan kere kimukulen; abu ngin kogeu akepanar nepedit awai kanginipak, kwana abongo ngesi kau laiye neajai ngesi kageunet.

Kwana ejaiki ngesi Adam keng anapit igoeneke lukotoma. Etunganan loenapakini ngul ipalei lueuriaka lumojong luetakanete bala-luka aberu, kosodi alomun kinga ne, mam eong aomit ejai neepol neerai ekiliokit mamake. Erai ngesi naberu naepol kakere na ajeni nukeng. Ianyutu? Teijo, ainaki ngin Adam keng loitapaaritai aswam bala ngesi, teijo, anapit igoeneke lukotoma. Abu ngin koany nuapedori nges aswam kokinga kanen na alacaria ngesi igoeneke kere kilema lukotoma bon. Ipalei bo ngul. Ejena, ngul kes igoen luenapit aberu kotoma, ido kane ejai Adam keng enapit ngul kwana. Nu da, kwape ejaar Akirot naka Edeke nageunet, "Erai naketal aberu anapit igoen luka ekiliokit, ka ekiliokit da anapit igoen luka aberu," kama ejai Akirot nageunet. Koomoom ngun!

72 Kwana, enapit kwana ngesi itimake lubwaluk, ngesida. Elaki ngesi ngul kwap, kibwaikini abore naiweniwene itim. Ace kotoma akiro nuisiriebete nueiritor eong aanyun kotoma aijaraka, nges ice kotoma odwe ngul kokinga kane lolo kede ikecetim elakitai kwap kopone kalo, ido kisutakinite eriagi, itima luesubunitai ekwele, kede aputo ace naka ekia loka peroxide loka icebore, ido itimakec akweleu, ido aipiripir ngul kaboro nuiweniwene, aiswamaun abwalukuk naka itima. Ijo ngol apese napolon! Erai ngin ibore yenisogimim alimun kopulupit, konye egeuni atubokinio kotogo loka Edeke. Mam da ber jo ijani arai irai jo ekiliokit arai aberu. Ido adau eong ajenun ebe Ajore wok nako United States ebeit atupakin alomun konapitos ipalei lueuriaka. Erai ngin nakabeit. Ianyutu ibore ebakai aitapaario? Erai igoen luka aberu ngul; enapit itim luka ngin lubwaluk.

73 Apaaran ya ajai eong laiye, obuke Howard Johnson; mere lo kane, konye je loejai orot loelomari kinga. Ido abu cut eong keboikin kaumokinite noi. Kane abu itelepat yenididi kitoru nen, kongara akekituk. Ido ajaatar ngesi kitima lukiriokok kane, ido kolakite ngesi ngul kopone kalo; ido kibwaikinite aiweniwenet

tomakec, kosodi akudor ngul kuju asirimikin, kuju naka akonyeneke; kojai ibeloorit akonye kuju tetere eseseni, elosi kanen. Arai eiritor eong aanyun aitapaaret! Teijo, mam ngol tikecamu aiyuun ngin. Epedori bo ti ngesi aitogogong ebe erai ngesi ekiliokit, konye kotoma omoyoke erai ngesi aberu. Mam nges ejeni owai bo ali loka etogo ibusakinin ngesi. Erai ngin nakabeit. Epone loitapaaritere!

Ngun kes nuiswamai Satan. Itapaanari nges atekerin. Itapaanari ngesi ekanisa. Itapaanari ngesi itunga. Erai ngesi ekengalan, eketapaaran loka Abeit nageunet.

Abu Edeke kosub etunganan araut etunganan. Abu kiswamau aberu araut aberu. Ido abu Ngesi kitanap kesi kopone loegelegela, ido apeleikinit Ngesi ngul asalakinit kopone kangol ka aswam da kopone kangol; idiopet erai yeniberu, kosodi yenice yii erai yenikiliokit. Abu Ngesi kotiak Adam kotoma omanikor loka Eden, kosodi aswam nu, atiakun Keba kama ejai ngol.

74 Kwana enapit itima kangin lubwaluk; etubi ngin iketim bala luka ngol, ido etamit ngol anapit lukeng bala luka ngin. Ianyutu? Enapit ngin igoen luka ngol lukokinga, kwabo enapi ngol igoen luka ngin lukotoma. Kwana epuposi ngun esiliok noi, konye mam eong apeleikinit ngun kopone kangol. Erai ngin Abeit nacut naka Akiro Nukajokak. Arai mam jo ijeni ngun, apolouke ejai ibore yenerono kede jo; erai ebe erai imudukana jo arai mam jo iiritor ajaun orotin. Kwabo eomit ngin ido eomit ngol ebe ejokuka ngun, ejaasi kesi aupakin kanenice.

Ebalas angor ebe, "Eebo, emwana akwap noi!"

Ilugai ngul imojong luka Apache kokinga kangina ti kijaikis jo irumete ileic kanukon ilopet. Nape epolor amwanis naedumunete kesi, iyatakinete kesi aidok igoen luenapitos, kanu aireboritor akolong kamakec; oo, ijaikini ngin ainyinyir, tetere jo ipedori ajaun ka ekwam-loelilim kwape ijaar jo ilosi. Teijo? Ebwoete kesi cut kokinga kotoma akolong.

75 Mam jo ipedori aibwo kanen; ebuni jo akuan aikolikol ka aicweo. Konye, teijo, erai nuibalasi yesi ebe asioman naikiara. Sayanis naka tinen kwana nges etolomu nu. Oo, ikatuan! Engin akesa ya kanen, "imujalal," kotoma Laodikia, "kwabo komam ejeni."

Emujalal ngesi kotoma Eden. Ianyutu ajakanuto nuarei eputosi? Adiopet erai naka adiakar ka atwanare, nace ya erai Aijar ka Adolit. Kotoma kangina emukoritai ngin kede Aimukoret Nakalaunan. Emujalalas kesi kere; mam kes ajenete ngun. Mam kes ajenete idiobore yenikamunit ngun, naarai emukoritai kes kede kEmoyo loka Edeke.

Kwabo kane imukoritai kes kede keimiel, ido esesenete kesi idiopet ka yenice kanu...Koany, Adam apedori asesen Keba, ido mam ajeni ebe kimujalal ngin. Konye kwana kede aimukoret na naka eimiel, mam ngin ejeni ebe imujalal ngesi, konye iswamai ngin ngun kokwap naka aimukoret kana naka eimiel kanu ainakin itunga asesen ngesi. Ngin bon nges ibore ijaikini ngin epedori aswam ngun kanuke. Ido abu akesa ya kodum ebe irai jo loijaatar kaisupaario naepol noi, kiton ngol abunore airimun kosodi ainap ice kotoma ogoen kon ngesida elopet.

76 Oo, aitapaario bo na! Atur bo na! Apak bo na kirai oni...Ingalana bo lolo bia! Oo, iboro lu kere, "kwabo komam ejeni," emoyo loitapaaritari cut ejai toma otunganan. Erai ngol loimukoritai keimiel loka Satan, ido aberu erai, ngesida. Erai emoyo loka satan loka atukot naepol. Teijo, mam kes ejenete, konye eraas kesi erionget. Angor enapitos ipalei lueuriaka, eraas nuka erionget mutan. Ekiliokit loenapit kopone kangol ejai orionget mutan. Ainakini eong yes anyukutan ke nusodit, B.S.S., Big Sister Society. Aso ngin nges eraas kesi lukeng. Kolomu kinga kanen, atukot naepol naberu, luenapitos ipalei lueraas apeetin, nueraas aumokinet nasogim-kingolek, ibore yenetakani-imodokok. Eong-eong...

77 Etunganan, kwana katicepak itegelikinos jo keong kotoma kanu, konye erai ngin Abeit. Adau jo aitapaar kwabo mam jo ijeni ngun. Mam jo irai, mam ijo iringa iswamai bala ekiliokit bobo. Teijo, anonokiar noi; ido okookec, mam ebuni araut ibore mamakec bobo; ikiliok ka angor, da. Eraas kesi atukot. Ejai erionget mutan. Kanukinyo? "Abu Yokana, eidunyet, konap ipalei lueuriaka, aso kanukinyo mam eong apedoria? Akoto Luella eong ainap kes naarai anapit Yokana, eidunyet. Kosodi, eebo, arai-arai epedori Susie Jane anapit kes, arai Susie Lou," arai boot kere loperai ekirorike, teijo. Koany erai atukot. Erai erionget. Irai jo yenikeng komoyo, kwabo komam ijeni.

78 Ido arai erai ngun kwangin, ido kianyu oni ebe erai kwangin, kwapekwangin iraar jo yenitumudakitai. Itumudakitai jo mama ejaas idiinin lu luamojiriki Satan jo tomakec. Ido erai aitapaario naka Akirot naka Edeke nageunet, ka AjakanutuKe, ka ainapetaitiKe kanuka iKedwe. Amojiriki Satan ikiliok ka angor toma oboro lu, kwabo mam kes ejenete ngun. Luitapaaritari!

Mam bobo eringa erai okoku loka Edeke! Itima ibwalukukos koreeteke, ido konapite epale lourien, ijongi korot; okoku loka Edeke, edikon kotoma okanisa, ekecokon kotoma opulupit? Mam, mam ngol erai okoku loka Edeke. Mam ngol itorunit toma Aijililiet naka Aoomoom naka Edeke. Mam ti ngol enapit igoen ngul luka angor; kaitebeikin mam cut ngol tikenap; mam da ngin tikenap igoen luka ekiliokit. Teijo, mam ngol erai okoku loka Edeke. Erai okoku loka Satan, ka akoku naka Satan. Erai ibore yen eninik alimun!

79 Apedo Satan aitapaar ka aikamar da akwap na, ka aitarau nges ajakanutuke; na ebwaikinitai etunganan, kanuka alacakina naka aseun, aseun kanuke ikulepek epone loka aijar naekotosi kesi. Ido itoduuni ngin nuejaas otaukon. Ianyutu? Eporotokon...Ijenete kere yesi inyo? Inerasi aswamisiokon kikeseuna noi, ilikoritos eporotokon. Uh-huh!

Mere eong kalot neejai etunganan. Ido kobala, "Oo, eong...Kirai isio kere Ikristayon. Kirai isio lokokanisa." Kwabo ikajasi aputosia nuka angor nuenapitos atube iriamitos eyapesike kere? Huh! Mam eyauni aitegelikinet adio kere ngun nualimokinit ngesi eong, ti eong kajenu ejok adepar; kwapekwangin ti ijo da.

Kolimu aberu ebe erai nges Akristayot, kede itima lueuriaka? Huh-uh! Ijenete yesi ejok adepar nen, teijo. Eebo cut. Kolimu ngin ebe erai Akristayot, konapite eriagi ka e make-up, ka ipalei lueuriaka, ido atemar ebe erai ngesi Akristayot? Ijenete yesi ejok adepar nen. Isisianakini Akirot naka Edeke yesi ejok adepar nen. Ebala Akirot ebe mam ngin epedori aswam ngun kwabo korai Akristayot. Erai da ber ngesi naitisilitai, ka nginibore ice kere. Ikwaikini ai Edeke elosi aibwaikin ibore yenesil kwa kangin toma AjakanutuKe? Mam, cut, mam nepecep da. Mam, cut. Kes ikulepek, itodunitos eimielikec.

80 Mam jo ipedori ainakin ajele aimor ainyam nepepe katarukot, mam nepecep da. Mam ajele ejaatar ka epiau. Mam nges epedori ainyam aperosit ngin naka akiring. Arai ti nges akonyun ngin ailikor eari ngesi, ido ejeni ngesi ngun. Konye atarukot epedori ainyam idiobore kere yenekoto ngesi. Ianyutu? Ejai ngesi epiau loepol noi.

81 Kwangin do idumuni jo ebe, epone ngol nges ejaar kotoma akwapin lolo, ibore ngipengin, "Imujalalas kesi, emudukaka, kwabo mam ejenete ngun."

Abu Satan kiswama ngun kanuka eimiel loka aberu ajenun, kanuka aelo, nu da abu ngesi koseu kede aseuneteke kalopet. Kwana koanyutu, arai Keba nges abu kingarenik Adam alomar nekaronon, ido arai aberu nges abu kolaca ikegoen eringa Adam kelacara lukeng. Ianyutu? Erai aberu, duc. Abu korai duc. Erai ngin erai kopone kangopekangol.

Erai ekanisa nges ingarenikini etunganan apaar. Erai ekanisa, teijo, nges ingarenikini etunganan loakoto araut okoku loka Edeke. erai aberu, ekanisa. Mere Ebaibuli, Edeke, naarai Ebaibuli erai ekiliokit. Oo, eebo, "abu Akirot koraun akuan," ido arai Ngol Ekiliokit. Ianyutu? Erai Ebaibuli ekiliokit; erai ekanisa aberu. Ianyutu? Mam erai ekanisa...Ebaibuli nges ingarenikini etunganan apaar. Erai ekanisa nges ingarenikini ngol apaar. Erai ekanisa loapotu ngesi koupakinotor imujalalas, mere Ebaibuli. Ianyutu? Mam cut. Elimokinit Ebaibuli ebe imujalal ngesi. Eebo, ipa.

Kwana koany epone ebe, kanuka aelo, eimiel loka aelo, abu ngin kimielakin ajenun, ajenun ebe inyobo ber yen, ido biai, arai ajokuna araito na arai mam. Ido abu ngin kiswama ngun.

82 Ebuni Edeke ainyakar ngin kacepaaran, karaida, kanuka Ekiliokit. Arai aberu nges abu kojai ngin. Konye abu Ekiliokit kolaku ngin; Ekiliokit, Yesu Kristo, loda erai Akirot.

Kosodi konyet inyobo ngin? Koanyutu, kotoma agolokin. Kane mam etuboro apak naeoj noi, abu eong ketolomu alimunet na. kijaar ka apapulai ace bala aongon arai akany kanen, konye eong...nuka Nuiwadikatai Obaibuli ka iboro luakoto ti eong aijuliraenen. Konye, kopupokisi. kagolokisi do oni, kotoma alimun na.

83 Kiitutu, kane mam apak naeoj etuboro, ajai eong aisisianakin yesi nuka Arupepen Akanyikaarei, Epucit Loka Arupepen, ka ace da kwangin. Ido abu eong katema atiar, "Ejai ainumunum naka apaaran-naikanyetekauni." Aso, apaaran naikanyetekaarei nges ti erai nakawasia, abuni ngin araut Emileniam. Konye kereka ejai ainumunum naka apaaran-naikanyetekauni; na da arai erai naikanyetekauni, kwabo erai bon apaarasia akanyikaarei kes ejaas, ebuni do ngin aitarau ngin apaaran nasodit bobo, abongun cut bobo toma apaaran nasodit. Konyet do, akaulo naedaunor Emileniam, kapak kangin do ebuni ajaun Eden loesipokinitai bobo. Ajakanut naepol naka Edeke eponio ainyakun. Naarai, abu Yesu kojioto ka Satan, kotoma omanikor loka Getesemane, ido abu kiteleka kosodi ainyakun Eden, lo da alot Ngesi aitemonokin kotoma Akuj, abongor bobo, kuju toma Akuj. Abala Ngesi ebe, "Kinyeis ikusitaun akadakin."

84 Najaar Ngesi toma akwap, abala Ngesi ebe, "Yesi, yesi Iyudayan, iyuunitos yesi Edeke. Kwana, ajeni eong kijaar Eong ka ekiror loerono," Kobala Ngesi ebe, "Ido ebalas kesi ebe erai Eong lo, je. Konye, iyuutu yesi Edeke; ido kwape iyuunitotor yesi Edeke, kiyuutu Eong da." Arai Ngesi Edeke, itodiaritai. Ianyutu? "Kiyuutu da..."

85 Toma togo loka PapaKa ejaas nuipu..." Araiboot, "Kotoma abar naka PapaKa, kotoma ainapeta nuka PapaKa ejaas itogoi luka ekabakane luipu. Alosi Eong aitemokin aibois." Kongolek aojau naka naerai ngin: amairon elukumit ka akwatakany aojau ka airiikin da! Ibala, aibo ejai ngin? Elosit Ngesi aitemonokin ngin. Erai Ngesi Ekasuban. Ebuni Ngesi asubun esabu ngol kere. Eraas irotin luecaete. Erai Ngesi Ekasuban. Euta Ngesi aiswamaun aibois. Kalaije kotoma Apukokinio 21, abala ngesi, "Kaany da eong Yokana Ere lokalaunan, Yerusalem Lokitetet, ijusun kama ka Edeke kotoma Akuj."

"Kemamei bobo angolol; akuj nasodit ka akwap da nasodit apotu kotuboros." Anyoika bo keraas akuj wok nasodit? Arai Emileniam. Inyobo akwap nasodit? Kerai napena. Eponio nges aisiteteun. Kwape bala abu Noa kibatisa nges, kotoma apaarasia nuka alimonokinike; abu Kristo kitalau nges, kwape abu Ngesi kobwatakinia AokotoKe mama kangin; ido eponio aisiteteun, alemar ikur kere ka nginibore kere awai kamake, kotoma aisiteteunio kawasia, kede aibatisao naka Akim naebuni aicwear nginikurut kere nginiriebo kere, nginisilianut kere naiiritor ajaun toma akwap.

86 Ebuni ngin aduor, kosodi alomun erai Akwap Nakitetet. Akuj nasodit, akwap nasodit na, abu kotubor; ido mam bo angolol ajai. Kaany eong Yokana Ere lokalaunan, Yerusalem Lokitetet, ijesun kama ka Edeke kotoma Akuj." Kanen ejaunos Edeke ka atutubetaKe nukabeit, odwe ka adwe, neda epedoria Ngesi aimor eidicane nepepe kakes kotoma alaunit, kitumudakitete akecekonye mama ejai adiakar adio kere. Mam bobo ejaun adiakar ameun kanen kiton.

Kenyikokisi kagogong noi; sirikitapaar jo kapaaran kana, konye, "koloma toma kitorite orute."

"Naarai ngul kere luejalakinio kokinga kes idotea, luka eimiel loerono." "Idiutunganan kere yeneseseni aberu keimiel adau aswam adoteu kede ngin." Kere kede...kinga epote ajaun angor-nudotea, ikiliok-ludotea, ka ice da kwangin.

Ido ngul bon luelakunitai, ido kojaas toma Oitabo loka Imerekek loka Aijar, epote alomar korute. Aso kiswamata nuipedorete kere, ipapero; siri kiitapaar jo kotoma apaaran na nakawasia.

87 Erai na apak naepol. Nginitunganan ejaatar ka isirigin. Nginitunganan kere epedori aswam nu, ido nginitunganan kere epedori aswam ngun, ido koleleete isirigin kowaitin kere, ka amotokan nukapolok, ka nginibore kere. Mam ebuni ajaun idiopet da koboro kangul toma Ore ngol. Mam ejaun amotoka adiopet, edege ediopet. Mam. Ebuni araut kere nepepe apolo naegelara. Ebuni araut bobo apolo mere naka ajenun, mere naka sayanis, konye naka amamus akiro, ka aiyuunit Edeke lokajaran.

Keswamata nukipedori kere alomar toma Nen. Naarai ngin nges alosikineteka kere kaileleba, erai alomar toma Ore ngol kapaaran ace; kasodi angoleun kau, kiupa nepepe keong, aanyun nginidiopet kayesi eraci akeje alosit, na iwoio oni, "naeracakiniata lukalaunak akeje alomar toma."

Kelipata.

88 Papa lokoKuju lominat, kwape ejaatar apaarasia agolokin, ido kiseseni isio ngun eyapunete, ejai aisumunet ayapuun. Kilipi isio, Edeke Lominat, ebe ibuni Jo aibwaikin ngun toma otauonokosi, tetere isio mam kiswamauni adioibucaret. Edeke lominat, kidarite aomisiokosi koraas nuelaete. Kidarite itauonokosi koraas luimukoritai, wu Ejakait, koraas akosikonye kimukoritete kama ejaas iboro luka akwapin, ka iboro luka akwapin lueraas amamiak, aibuses naerai amamiak naka araut itunganan ice yenepol.

Mam akiro arai etia kesi ai eraas luepolok, ikabakan kere, ikepugak kere, lukapolok kere, ka nginibore ice kere ebuni amudiar, ido mam kes epote ajarun kotoma nak-...kotoma ajarun nasodit, na da emamei atwanare nakiareit apedor kamake." O Edeke! "Atwanare nakiareit," atwanare nakomoyo, emameotor kapedor"; elakunitai nges!

89 O Edeke, aomoom ebe ediopet kotoma osawan lu, elosi idiopet aipejokin yenice, ido eponio aurupoor. "Iarei kotoma ojamu, ayangari Eong idiopet, ajalakini idiopet. Iarei kotoma omanikor, ayangari Eong idiopet, ajalakini idiopet."

O Edeke, kingarak isio araut lukisegaara kotoma-kotoma aseseneKon, Ejakait, mam kipodo ngun nueomit itunganan kanukosi, nuineras itunga luce. Ejakait, koraun nakalaunan kosi...koraun ener kosi lokalaunan. Koraun loigimoritai kede Akirot naka Edeke, araut naigimoritai noi kwangin, wu Ejakait, ebe kinyek adumun kotomakosi aronis adio kere. Kwape kijaar aingaingaitoi, kotoma aibucanaretakosi obe, ebe kobwaata Aokot nuka Yesu Kristo kidingikosi ka Edeke, ebe kosesen Ngesi kwap mamakosi kotoma Aokot nuka Yesu; mere kotoma adolitekosi, arai lukangai kirai isio, anyoika nukiswamat isio, konye kotoma ajokisioKe bon. Edeke, kocamak ngun!

90 Kinye idiopet yeniboie kane lolo ido kiirarite Aisiiraret na, kinye idiopet da kakesi aolioor, anyoun kama ejai ikoku yenididi kakere kiton neejai etunganan loemojongit kakere. Koraun eipudikek lokalaunan bon kanuka Edeke ka AkirotoKe. Mam isio kijeni esawa lokitakanunia, arai esawa ali acepak enyararia Ngesi isio abongonokin kokuju kalaije kOtube. Mam isio kijeni esawa acepak loebunio Ngesi, kwape ejaar, alemun akaadikosi kane esipor, kotemari atiar, "Adol apak alosit ore. Ibusakinut jo anyoun alosit." Wu Edeke, kingarak isio aidarakina karaas lukisegaara. Kocamak ngun, wu Ejakait.

Elipit kajarata iso kiton Abunore naka Ejakait, arai epedor. Elipit keswamata isio nginibore kere yenejai toma apedorikosi, nepepe kamin ka ajenun, ajenun ebe ejai Edeke engolengole kakwap lolo, adumun nginimerekek kere naeoliorit. Ido elipit kenerata isio mamakec kede ailip naigimoritai naka amin ka Akirot naka Edeke, ebe kacepak kadumutu isio yenikawasia idiopet ngin, tetere isio kipedori alosit Ore, kasodete anyoun alomar kinga kotoma Eden lo lomojong loka Satan kane, wu Ejakait.

91 Erai ngol kere loedukokinitai toma eimiel, ka angor nuitemelelas, kwape ebalare kotoma akwapin, kede alimonoretakec nukaitodiar kanen, "Kitodianari oni, ido kikoto itelepai aponare kede e jam koreetinikec, ka apesur nutemel enapitos ipalei lueuriaka," cut kanepakanen koredion wok ka televisions; ka iponesio kere luka asilianut ka airiamun, ka Hollywood; iponesio luegelegela luka anapito naisingobeli aelo, namodok, naesiliana kanuka angor. Ido-ido ikiliok etapaar anapit anapito naka angor, ido etubete ikecetim bala angor; kosodi angor bala ikiliok.

O Edeke, erono noi esawa lo lokijari isio kotoma! Oo, kobia, Ejakait Yesu, kobia! Kobia, wu Ejakait! Kilongarai isio kAokot. Kolema asilianut kere ka aronis da kamakosi. Kocamak isio kajarata, wu Ejakait, kocamak isio kajarata kokwap naka Aokot, tiritir, kakonyeneKon. Erai eipud loka ikositauon, ka ailipikosi na teniteni.

92 Edeke lominat, eperete kot-...arai ngul, komesa, lolo, kanealimonokinere Akiro Nukajokak. Wu Ejakait, eperete kane iitabalan ka atukono nuepote alosit mama ejaas luedekasi ka luiticanitai. Kocamak ailip naka aiyuun, wu Ejakit, kodou kama kotoma otauonokosi kopekwana, kakonyeKon. Kosodi do, wu Ejakait, arai ejai ibore yenimam elai kotomakosi, okwe Ejakait, kolema ikosi...koyanga isio toma atubokinio kopekwana; ido kilipit isio aitim. Kopukok isio ngun nukijai isio aswam erono, wu Ejakait, kwangin kipedori do isio ailip, ayangaar Aokot kosodete ailongar isio. Kitangaleu itunga lu luedekasi kitarau kes luengaleete, Papa, nepe kere ebuni ngin alosit mamakeng, nepe kere elosete kesi. Kojaun ngin kopone kangol, wu Papa.

93 Koinak isio alosikinet naka aijaanakin Jo, ido Ijo bon. Kocamak ngun, wu Ejakait.

Koinak ayuara mama ejaas itunga luminan lu luejaasi orot alosit ore.

Kimalai jo kanu epone loibu Jo kitangaleunio itunga. Kosodi itelepat nginididi ngin yenika Iinac Shepherd ka Onac Shepherd, yenemusunguna kogaali, elipit eong ebe kinyek adioronis abunokin ngin; ikesa nginididi ngin itekeri ekegaali, elipit eong ebe ebuni ngesi angaleun. Kimalai isio Jo kanu aitangaleunio naka luce lu lukilipakinit isio. "ido kijeni isio ebe kere nukilipi isio, kidumuni, naarai kimuno isio Ngol loejaikini aisumunet."

Koinak isio nuka asianutuKon, wu Ejakait, ido kisionii isio akosidiakanareta. Kilipit isio, Kokiror loka Yesu Kristo. Amen.

94 Iminasi yesi Ngesi? Iyuunitosi yesi Ngesi? Yesi, idekasi ido kipas nuka ajakanut naka Satan? Iyuunitos yesi ebe elosi elomari toma Omileniam, toma Omileniam Keng; Lokeng, toma Eden Keng? Iyuunitosi yes ebe ejakai ngin asubun lolo?

Kongolekisi, nginibore kere epesikinitai toma acobeu. Kere, nginibore, ibusakinit ber kitogogongoi kede sayanis eringa kes kiyuuna ngin.

Kwabo mam jo ipedori aitogogong Edeke kopone loka sayanis. Ibusakinit jo acamun Nges kanuka aiyuun, "Naarai ngin yenikunyakini Edeke ibusakinit aiyuun ebe ejai Ngesi, ido ebe eropi ngul luemoete ngesi kainakina."

O Edeke, mam eong akoto ajenun idiobore kilema Aokot nuka Yesu Kristo nuilongete eong kama ejai adiakar. Mam eong ajeni idiobore kilema Yesu Kristo. Ido kwape abalar Paul lokolosek, kwapekwangin alimuni eong da lolo, "Mam eong ajeni idiobore kamakus, kilema Yesu Kristo bon, ido Nges ibubukinitai."

95 Ngun bon kes nuajeni eong alimokin yes. Ebe, Ebaibuli lo, eyuunit eong kekatau kere (arai ajeni eong ekatau), nges erai Akirot naitekooro naka Edeke namam isidotearitai. Kanuka Lo ajari eong. Kanuka Lo abwoi eong. Ido karai kajaatar eong ka ajar aatenak ilukumin itomon, ti eong kalelak aijaikin nginidiopet kangun kanuka Akirot kana, naarai erai Akirot naka Yesu Kristo. Ido mam eong apodo erai etia ai nepedorete kesi aitam aitogogong ebe mam Nges erai nakabeit, arai etia ai sayanis etamit atemar ebe mam epedorio amunokin Nges, ka ace da kwangin, mama kang, Nges bon ibore kotoma akwap kana yenapedori eong amunokin, erai Akirot na. erai Ngesi lokang. Amina eong Ngesi. Ijo tope mam?

96 Arai ejai adiakar toma otaukon, arai ejai aibucaret toma otaukon, arai ijaatar jo ka idiobore kere, kilip kwana do kosodi aingit Edeke aisioni jo. Kilipata yesi kanukang; elipi eong kanukus. Kisirereng Edeke yes, nges ailipika.

Kiton nakiriamunor! Kiton nakiriamunor!
Kojai Edeke kayes kiton nakiriamunor bobo!

Iminanara kereka yesi? Abala Yokana ebe, "Idwe ludidik, kominanara." "Kominanara, naarai amin erapari aronisiso nukepuak." Kwana keyogaikinos do ber oni kejangijangata akanin nginidiope kanginice.
Kojai Edeke kayes kiton nakiriamunor bobo!
Kiton nakiriamunor! Kiton naki...

Kwana koraas luisiaka nginice mama ejai yenice. Koraas luisiaka mama ejai nginitunganan. Koyaite eidunyetekon kopone loejok. Kidarakina ijo ilopet komamei akemer kiton naebongunio Yesu

...akeje;

Kiton nakiriamunor! kiton nakiriamunor!

Kojai Edeke kayes kiton nakiriamunor bobo!

97 Iminasi yesi Ngesi? Nin nges akailip. Kilipata yesi kanukang; abuni eong ailip kanukus. Ibusakinit eong abongor Tucson kopekwana. Ido eong-elipit eong ebe kisirereng Edeke yes kere. Alosi eong anyoun kane abear Canada, kasodi abongun Colorado; airimokin, airimokin, airimokin, teijo. Aitodol...

Onac Tony ejai laingol nen, ido atakanu ibore yenepol. Kanepekanen cut kokwap naka Vatican, ko Roma, ejaasi kesi iworote kanuka aisikwarunio, airiamun, kanu eong abunore ngina kasodi aitolot aisikwarunio ko Roma, kotoma Roma. Eapie nape abongunio ngesi. Imorikikina itunga nepepe. Adumutu kesi alaro naepol kangina, naiboikinos ilukumin ka ilukumin, ido ekotosi kesi eong abunore kanuka aisikwarunio. Ekotosi kesi aanyun aibuses naka Ejakait kotoma aijaanakin. Mam eong ajeni. Ibusakinit eong ailip kanuka ngun, aanyun nuelimokini Ejakait eong. Oo, ikatuan! Kiitunitos, kilipata, oni kere nepepe. Kijai oni aswam...

Kidarit oni abunore naka Eketajaran wok loisirerengitai,
Koany, ido kosesen akui nuka etini kwana alibanutu;
Akiri Nukajokak nuka AjakanutuKe adoloto mama ejai nginiteker kere;
Kwabo kijai oni awasia, epedorio aanyun.

Ngin kereka erai nakabeit?

Konyet do kaiyalama kilimori oni Aisiiraret naka atakanuniKe,
Eyapie katipet noi Nges abunore kotoma aibuses, alimokin idiopet ido kere;
Kokwenyutu do, yesi lukalaunak luka Ejakait, kanukinyo ijotooto koyapuuni awasia,
Kakapakinon oni kanuka anyarario ngin nakawasia.

98 Ebuni ngin aibelokin ko to kosodi aibwanen abongun bobo, adiopet kotoma apaarasia kanu, bon kiitunitosi. Kaitebeikin ebuni cut ngesi. Ido erai ngin nakabeit. Kiton apak ngin:

Koyanga Ekiror kaYesu nepepe kajo,
Ikoku yenikican ka aiturur;
Kiinakini jo aiyalama ka ainapakina,
Koyanga nges, neilos jo kere.

Ekiror loketiai (Ekiror loketiai), Oo epone Ejijimiar!

Amuno kakwap ka aiyalama na Akuj;
Ekiror loketiai, Oo epone ejijimiar! (epone ejijimiar!)
Amuno kakwap ka aiyalama na Akuj.
Kokiror kaYesu ikukumit,
Aibirokin kwap akejeneKe,
Ekabaka lo ikabakan koKuju kitanapi Nges aboko,
Naengetakinor erotowok.
Ekiror loketiai, Oo epone ejijimiar!
Amuno kakwap ka aiyalama na Akuj;
Ekiror loketiai, Oo epone ejijimiar!
Amuno kakwap ka aiyalama na Akuj.

99 Kwana, kokokoro lo lokawasia, kawooto do oni nges kede itauon luekukumitos kwana.

Koyanga Ekiror kaYesu nepepe kajo,
Kwape ebuku kama ejai nginitacit;
Ido kebunoki jo acodunio alukun, (iboro lu luka ajakanut kaSatan, teijo, teijo)
Bon kiyengu Ekiror ngol kotoma ailip.

Kodaunos ngun; kosodi do asuenyikin alosit awai. Iswamai. Atamitor eong. Bon kiyuu ngun kopekwana, naarai ebuni aswam. Bon kiyengu EkiroriKe lokalaunan kotoma ailip.

... Ekiror kaYesu nepepe kajo,
Kwape ebuku kama ejai nginitacit;
Ido kebunoki jo acodunio alukun, (Anyoika kereka ibuni jo aswam kapak kangin?)
Bon kiyengu Ekiror ngol kotoma ailip. (Ebuni do Aimukoret arapaar ereetekon kapak kangin.)

Ekiror loketiai (Ekiror loketiai) Oo epone ejijimiar!
Amuno kakwap ka aiyalama na Akuj;
Ekiror loketiai, Oo epone ejijimiar!
Amuno kakwap ka aiyalama na Akuj.

Kaluroto do ono kwana, kwape ajaar eong ailip Onac Beeler kokau kama abunore ne otut. [Ageu Onac Branham airukokin Koyanga Ekiror Loa Yesu Nepepe Kajo-Ekewa.]

100 Kotwar do jo isio, Onac Beeler. Kotwar isio ktoma ailip.

Ekiror loketiai...

Amuno kakwap ka aiyalama na Akuj;

Ekiror loketiai (Ekiror loketiai), Oo epone ejjimiar!

Amuno kakwap ka aiyalama na Akuj.

Kwana ketuluritos aokokwes, ka iwokotauon ekukumitos. Onac Beeler, ediopet kotoma lukaupakosi kane, Onac Estle Beeler, onac loerai Ekristayot loejokuna noi, etunganan loerimaana. Alosi kwana eong aingit ngesi arai ecamuni ngesi aitwar ikapupok, akuare na, kede kailip. Kisirereng Edeke jo, Onac Beeler.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7